

四庫全書

經部

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

欽定四庫全書

經部
禮書綱目卷四十四

詳校官監察御史_臣左周

給事中_臣溫常綬覆勘

總校官進士_臣何思鈞

校對官中書_臣金光悌

謄錄監生_臣俞鳳

謄錄監生_臣胡金芝

欽定四庫全書

禮書綱目卷四十四

婺源江永撰

祭通禮

補

大宗伯之職掌建邦之天神人鬼地示之禮以佐王建保邦國以吉禮事邦國之鬼神示

詳見祭法

凡祀大神享大

鬼祭大示詔大號治其大禮詔相王之大禮

大號六號之大者以

詔大祝以為祝辭治猶簡習也豫簡習大禮至祭當以詔相王羣臣禮為小禮

乃頒祀于邦國

都家鄉邑

頒讀為班班其所當祀及其禮都家之鄉邑謂王子弟及公卿大夫所食采地

小

宗伯掌四時祭祀之序事與其禮

序事卜日省牲視滌濯饗饔之事次序之

時

凡祭祀詔相祭祀之小禮凡大禮佐大宗伯

小禮羣臣之禮

小祭祀掌事如大宗伯之禮

肆師之職掌立國祀之

禮以佐大宗伯

詳見祭物總要

以祭時序其祭祀及其祈珥

序第

次其先後大小

詳見因祭釁章

大祝建邦國禁督逆祝命者

督正也正

王之所命諸侯之所祀有逆者則刑罰焉

小祝掌小祭祀凡事佐大祝

唯大

祝所

有事凡外內小祭祀掌事焉

並春官

女祝掌王后之內

祭祀凡內禱祠之事

內祭祀六宮之中竈門戶禱疾病求瘳也祠報福也

小宰

以官府之六職辨邦治三曰禮職以事鬼神以官府之

六聯合邦治一曰祭祀之聯事

鄭司農云大祭祀大宰贊玉幣司徒奉牛牲宗

伯視滌濯涖玉鬯省牲鑊奉玉盞司馬羞魚牲奉馬牲司寇奉明火火玄謂奉牲者其司空奉豕與並天官

司隸邦有祭祀之事則役其煩辱之事

煩猶劇也秋官

大宰以八則治都鄙一曰祭祀以馭其神

都鄙公卿大夫之采邑王

子弟所食也祭祀其先君社稷五祀天官

都宗人掌都祭祀之禮

都或

川及因國無主九皇六十四氏之祀王子弟則立其祖王之廟其祭祀王皆賜禽鳥主其禮者警戒之糾其戒

具其來致福則帥而以造祭僕

家宗人掌家祭祀之禮

大夫采地之所祀與都同

若先王之子孫亦有祖廟並春官

大司徒施十有二教一曰以祀禮

教敬則民不苟小司徒掌建邦之教法與其祭祀之

禁令土均和邦國都鄙之政令與其禮俗祭祀以地

燬惡為輕重之法而行之掌其禁令並地孟春乃修

祭典

重祭禮歲始省錄也月令

喪祭從先祖

志所言本謂先王世舊俗所傳禮

文小異而可以通行者耳不謂後世失禮之甚者也孟子

君子行禮不求變俗

祭祀之禮皆如其國之故謹修其法而審行之禮

曲

右總要

小宗伯之職掌建國之神位右社稷左宗廟

詳見地示及宗廟

兆五帝於四郊四望四類亦如之

詳見天神地示

兆山川丘陵

墳衍各因其方

詳見地示

辨廟祧之昭穆

詳見宗廟

肆師掌兆

中廟中之禁令

兆壇塋域

典祀掌外祀之兆守皆有域掌

其禁令

外祀謂所祀於四郊者域兆表之塋域

若以時祭祀則帥其屬而

修除徵役于司隸而役之

屬其屬胥徒也脩除芟掃之徵召也役之作使之

及

祭帥其屬而守其屬禁而蹕之

鄭司農云蹕列禁人不得令入

凡以

神仕者掌三辰之法以猶鬼神示之居辨其名物

猶圖也居

謂坐也天者羣神之精日月星辰其著位也以此圖天神人鬼地示之坐者謂布祭衆寡與其居句孝經說郊祀之禮曰燔燎埽地祭牲繭栗或象天酒旗坐星廚倉具黍稷布席極敬心也言郊之布席象五帝坐禮祭宗廟序昭穆亦又有似虛危則祭天圜丘象北極祭地方澤象后妃及社稷之席皆有明法焉國語曰古者民之精爽不攜貳者而又能齊肅中正其知能上下比義其聖能光遠宣朗其明能光照之其聰能聽徹之如是則神明降之在男曰覲在女曰巫是以使制神之處位次主而為之牲器時服巫既知神如此又能居以天法是以聖人用之今之巫祝既闇其義何明之見何法之行正神不降或於淫厲苟貪貨食遂誣人神令此道滅痛矣

小祝有冠戎之事則保郊祀于社

故書祀或作禩鄭司農云謂保

守郊祭諸祀及社無令寇侵犯之杜子春讀禋為祀書亦或為祀玄謂保祀互文郊社皆守而祀之弭裁兵

都宗人若有寇戎之事則保羣神之壇守山川丘陵墳衍之壇域

並過祀則下居者主於敬檀弓

右神位

男男尸女女尸必使異姓不使賤者異姓婦也賤者謂庶孫之妾也尸配

尊者必使適也士虞禮禮曰君子抱孫不抱子此言孫可以為

王父尸子不可以為父尸以孫與祖昭穆同曲禮孫為王父尸

所使為尸者於祭者子行也父北面而事之子行猶子列也祭祖

則用孫列皆取于同姓之適孫也天子諸侯之祭朝
事延尸於戶外是以有北面事尸之禮詳見祭統

曾子問曰祭必有尸乎言無並無用為若厭祭亦可乎厭時無尸孔

子曰祭成喪者必有尸尸必以孫孫幼則使人抱之無

孫則取於同姓可也人以有子孫為成人子不殤父義由此也祭殤必厭蓋

弗成也厭飲而已不成其為人祭成喪而無尸是殤之也與不成人同

曾子問無祿者稷饋庶人無常牲故以稷為主稷饋者無尸無尸者厭也

大戴為人子者祭祀不為尸尊者之處為其失子道然則尸卜筮無父者曲禮

為君尸者大夫士見之則下之君知所以為尸者則

自下之

尊尸也下下車也國君或時幼少不能盡識羣臣有以告者乃下之

尸必式

禮之乘

必以几

尊者慎也同上

孔子曰尸弁冕而出

為君尸或弁者先祖或有

為大夫士者故服士大夫之服也

卿大夫士皆下之

見而下車

尸必式

小俛禮之

必有前驅

為辟道曾子問

酌尸之僕如君之僕

當其為尸則尊

其

在車則左執轡右受爵祭左右軌范乃飲

周禮大御祭兩軹祭軌乃

飲軌與軹於車同謂軹頭也范與範聲同謂軹前也少儀

服之襲也充美也是故尸

襲尸尊

玉藻

君迎牲而不迎尸

詳見祭義

當其為尸則弗

臣也

尸主也為祭主也學記

曾子問曰卿大夫將為尸於公受

宿矣而有齊哀之內喪則如之何孔子曰出舍於公宮

以待事禮也

尸重受宿則不得哭內喪同宮也

雜記

曾子問作出舍於公館注云吉凶不可

處同

右尸 維十有三祀帝乃稱王而入唐郊丹朱為

尸

詳見天神

晉平公祀郊董伯為尸

詳見因祭疾病章

周

公祀泰山召公為尸 齊嘗于太公之廟麻嬰為

尸

襄二十八年左氏傳

司巫掌羣巫之政令 大祝掌六祝之辭以事鬼神示

詳見祝號

掌六祈以同鬼神示

詳因祭祈禳章

作六辭以通上下親

疏遠近

詳祝號

辨六號

詳祝號

辨九祭

詳見事尸章

辨九擗以享

右祭祀

詳曲禮

凡大禋祀肆享祭示則執明水火而號祝

明水火司烜所共日月之氣以給烝享執之如以六號祝明此主絜也禮記祭天神也肆享祭宗廟也故書祇

為祊杜子春云祊當為祇

隋豐逆牲逆尸令鍾鼓右亦如之

隋豐謂薦血也

凡血祭曰饗既隋豐後言逆牲容逆鼎右讀亦當為脩

來瞽令臯舞

臯讀為卒臯呼之嚶來嚶

者亦皆呼之入相尸禮

延其出入詔其坐作

既祭令徹

小祝掌小祭祀

將事侯禋禱祠之祝號

詳見因祭祈禳章

大祭祀逆盥盛送逆

尸沃尸盥贊隋贊徹贊奠

隋尸之祭也奠奠爵也祭祀奠先徹後反言之者明所佐

大祝一凡事佐大祝

惟大祝所有事並春官

女祝掌王后之內祭

祀凡內禱祠之事

詳總要章

天子出戶而巫覡有事出門

而宗祝有事

出戶謂出門內也女曰巫男曰覡有事祓除不祥出門謂車駕出國門宗者主祭祀

之官有事謂祭祀神也荀子

宗祝辨乎宗廟之禮故後尸

辨猶別也後尸

居後贊禮儀樂記

右巫祝

楚昭王問於觀射父曰

昭王楚平王之子昭王熊軫也

觀射父楚大夫也

周書所謂重黎實使天地不通者何也

周書謂周穆王之相甫侯所作呂刑也重黎顓頊掌天地之臣也呂刑曰乃命重黎絕地天通謂少皞之末民神雜揉不可方物顓頊受之乃命南正重司天以屬神火正黎司地以屬民謂絕地與天相通之道也

若無然民將能登天乎

若重黎不絕天地民豈能上天乎

對曰非此之謂也古者民神不雜

雜會也謂司民司神之官各異

民之精爽不攜貳者而又能齊肅衷正

真明也攜離也貳二

也齊一也肅敬也衷中也

其智能上下比義

義宜也

其聖能光遠

宣朗

聖通也朗明也

其明能光照之其聰能聽徹之

徹達也

如是則明神降之

降下也

在男曰覲在女曰巫

巫覲見鬼

者周禮男亦曰巫

是以使制神之處位次主

處居也位祭位也次主其尊

卑先

而為之牲器時服

牲牲之毛色小大也器所當用也時服四時服色所

宜

而後使先聖之後之有光烈

烈明

而能知山川

之號

號名位也

高祖之主

高祖廟之先也

宗廟之事昭穆之世

父昭子穆先後之次也春秋躋僖公謂之逆祀

齊敬之勤

齊莊

禮節之宜

威儀之則容貌之崇

崇節也

忠信之質

質誠也

禋潔之

服

潔祀曰禋

而敬恭明神者以為之祝

祝太祝也掌祈福祥

使名

姓之後能知四時之生

名姓謂舊俗若伯夷炎帝之後為堯秩宗生嘉穀韭

卵之屬犧牲之物玉帛之類采服之儀彝器之量六

彝器俎豆量大小也次主之度疏數之度屏攝之位周氏云屏者并攝主人之

位昭謂屏屏風也攝形如今要扇皆所以分別尊卑為祭祀之位近漢亦然壇場之所除地

場曰上下之神氏姓之出所自出也而心率舊典者為之

宗宗宗伯也掌祭祀之禮於是乎有天地神民類物之官謂

之五官類物謂別善惡利器用之官各司其序不相亂也民是

以能有忠信神是以能有明德明德謂降福祥不為災孽也民

神異業業事也敬而不瀆故神降之嘉生嘉生善物也民

以物享禍災不至求用不匱及少皞之衰也九黎

亂德

少皞黃帝之子金天氏也九黎黎氏九人也

民神雜揉不可方物

同位故雜揉方猶別也物名也

夫人作享家為巫史

夫人人人也享祀也巫主

接神史次位序言人人自為之

無有要質

質誠也

民匱乎祀而不知

其福

言民因匱於祭祀而不獲其福

烝享無度民神同位民瀆齊

盟無有嚴威

齊同也嚴敬也威畏也

神伸民則不蠲其為

伸習

也則法也蠲絜也其為所為也

嘉生不降無物以享禍災荐臻莫

盡其氣

荐重也臻至也氣壽命之氣

顓頊受之

少皞氏沒顓頊氏作受承也

乃命南正重司天以屬神

南陽位正長也司主也屬會也所以會羣神使

各有分序不相干亂周禮則宗伯掌祭祀

命火正黎司地以屬民

唐尚書云

火當為北北陰位也周禮則司徒掌土地人民也

使復舊掌無相侵瀆

侵犯

也是謂絕地天通

絕地民與天神相通之道

其後三苗復九黎

之德

其後高辛氏之季年也三苗九黎之後也高辛氏哀三苗為亂行其凶德如九黎之為也

堯興而誅之

堯復育重黎之後不忘舊者使復興之

育長

也堯繼高辛氏平三苗之亂紹育重黎之後使復興天地之官義和氏是也

以至於夏

商故重黎氏世叙天地而別其分主者也

叙次也分位也

其在周程伯休父其後也當宣王時失其官守而

為司馬氏

程國也伯爵也休父名也失官守謂失天地之官而以諸侯為大司馬詩曰王

謂尹氏命程伯休父是也

寵神其祖以取威于民曰重實上天

黎實下地

寵尊也言休父之後世尊神其祖以威耀其民言重能舉上天黎能抑下地令

相通故不復通也

遭世之亂而莫之能禦也

亂謂幽平以下也禦止也

不然夫天地成而不變

言天地體成不復改變也

何比之有

言不

相比近也國語楚語

劉文公合諸侯于召陵

文公王官伯也

將

會衛靈公使祝佗從

祝佗大祝子魚

辭曰臣展四體以率

舊職猶懼不給而煩刑書若又共二共二職徼大罪

也且夫祝社稷之常隸也隸賤名也社稷不動祝不出

竟官之制也社稷動謂國遷君以軍行被社釁鼓師出先有事被

禱於社謂之宜社於是殺牲以血塗鼓鼙為釁鼓祝奉以從奉社主也於是乎

出竟若嘉好之事謂朝會君行師從二千五百人卿行旅

從五百人臣無事焉定四年左氏傳

凡祀啟蟄而郊言凡祀通下三句天地宗廟之事也啟蟄夏建寅之月祀天南郊龍見

而雩龍見建巳之月蒼龍宿之體昏建東方萬物始盛待雨而大故祭天遠為百穀祈膏雨始殺

而嘗

建酉之月陰氣始殺嘉穀始熟故薦當於宗廟

閉蟄而烝

建亥之月昆蟲閉戶萬物皆成

可薦者衆故烝祭宗廟釋例論之備矣

過則書

卜日有吉否過次節則書以譏慢也 桓五年左氏

傳

昔三代明王皆事天地之神明無非卜筮之用不

敢以其私褻事上帝

言動任卜筮也神明謂羣神也

是故不犯日月不

違卜筮

日月謂冬夏至正月及四時也所不違者日與牲尸也

卜筮不相襲也

襲因

也大事則卜小事則筮

大事有時日

大事有事於大神有常時常日也

小事無時

日有筮

有事於小神無常時常日有筮臨有事筮之

外事用剛日內事用柔

日

順陰陽也陽為外陰為內事之外內別乎四郊

表記 凡卜筮日旬之外曰

遠某日旬之內曰近某日

旬卜也

喪事先遠日吉事先近日

孝子之心喪事葬與練祥也吉事祭祀冠娶之屬也

曰為日假爾泰龜有常假爾

泰筮有常

命龜筮辭龜筮於吉凶有常大事卜小事筮

卜筮不過三

求吉不過三魯

四卜郊春秋譏之

卜筮不相襲

卜不吉則又筮筮不吉則又卜是瀆龜筮也晉獻公卜取驪姬

不吉公曰筮之是也曲禮

筮人凡國之大事先筮而後卜

當用卜者

先筮之即事有漸也於筮之凶即止不卜春官

太宰祀五帝前期十日帥

執事而卜日

前期前所誦之日也十日容散齋七日致齋三日執事宗伯大史之屬

祀大

神示亦如之享先王亦如之

大神示謂天

大宗伯凡

祀大神享大鬼祭大示帥執事而卜曰

執事諸有事於祭者

大

史大祭祀與執事卜日

執事大卜之屬與之者當視墨

肆筮凡祭祀

之卜日宿為期詔相其禮

宿先卜祭之日

龜人若有祭祀則

奉龜以往旅亦如之

奉猶送也送之於所當卜

大卜大祭祀則眡

高命龜

命龜告龜以所卜之事不親作龜者大祭祀輕龜於大貞也士喪禮曰宗人即席西面坐命龜

並春官

右時日卜筮不違龜筮子曰牲牷禮樂齊盛是

以無害乎鬼神無怨乎百姓

牲猶純也表記

天子將祭必先習射於澤澤者所以擇士也已射於澤而后射於射宮射中者得與於祭不中者不得與於祭

澤宮名也士謂諸侯朝者及所貢士也皆先令習射於澤已乃射於射宮課中否也

古者天子

之制諸侯歲獻貢士於天子天子試之於射宮其容體比於禮其節比於樂而中多者得與於祭其容體不比於禮其節不比於樂而中少者不得與於祭

歲歲獻國事之事及

計偕物也三歲而貢士舊說云大國三人次國二人小國一人並射義

右擇士

大宰祀五帝則掌百官之誓戒與其具脩

祀五帝謂四郊及明堂誓

戒要之以刑重失禮也明堂位所謂各揚其職百官廢職服大刑是其辭之畧也具所當共脩埽除糞洒祀

大神示亦如之享先王亦如之小宰以法掌祭祀之

戒具

法謂其禮法也戒具戒官有事者所當共

宰夫以式法掌祭祀之戒

具與其薦羞

薦脯醢也羞庶羞內羞並天官

射人諸侯在朝若有

國事則掌其戒令詔相其事

謂王有祭祀之事諸侯當助其薦獻者也戒令告以

齊與期

掌其治達

謂諸侯因與王射及助祭而有所治受而達之於王王有命又受而下之

司士凡祭祀掌士之戒令詔相其法事

並夏官

大史大

祭祀戒及宿之日與羣執事讀禮書而協事

協合也合謂習錄所

當共之事也故書協作叶杜子春云叶協也書亦或為協或為汁春官

遂師凡國祭祀

審其誓戒

審亦聽也地官

條狼氏凡誓執鞭以趨于前且

命之誓大夫曰敢不闕鞭五百誓師曰三百誓邦之大

史曰殺誓小史曰墨

前謂所誓衆之行前也有司讀誓辭則大言其刑以警所誓也誓者

謂出軍及將祭祀時也郊特牲說祭祀之誓曰卜之日王立于澤親聽誓命受教諫之義也師樂師也大夫小史主禮之事者鄭司農云誓大夫曰敢不闕謂不闕於君也立謂大夫自受命以出則其餘事莫不復請秋官

右戒具

王即齊宮百官御事各即其齊三日王乃淳濯饗禮及

期鬱人薦鬯犧人薦醴王裸鬯饗醴乃行

詳見朝廷禮

膳

夫王齊日三舉

鄭司農云齊必變食

王府王齊則共食玉

玉是陽精

之純者食之以禦水氣鄭司農云王齊當食玉屑並天官

鬯人凡王之齊事共其

秬鬯

給泮浴春官

大宰祀五帝前期十日帥執事而卜日

遂戒

既卜又戒百官以始齊

祀大神亦如之享先王亦如之

天官

齊必有明衣布

齊必沐浴浴竟即著明衣所以明潔其體也以布為之

必有寢衣

長一身有半

齊主於敬不可解衣而寢又不可著明衣而寢故別有寢衣其半蓋以覆足

齊

必變食居必遷坐

變食謂不飲酒不茹葷遷坐易常處也此一節記孔子謹齊之事楊氏

曰齊所以交神故致潔變以盡敬論語鄉黨

玄冠丹組纓諸侯之齊冠也

玄冠綦組纓士之齊冠也

言齊時所服比四命以上齊祭異冠玉藻

周

弁殷舄夏收

齊所服而祭也郊特牲

齊則綰結佩而爵韞

綰屈也結

又屈之思神靈不在事也玉藻

司服士之服其齊服有玄端素端

士齊有素端者亦為札荒有所請禱變素服言素端者明異制春官

君羔幣虎犢

犢

芩也犢讀皆如直道而行之直犢謂緣也此君齊車之飾

大夫鹿辟豹犢朝車士之

齊車鹿辟豹犢

臣之朝車與齊車同飾玉藻

齊者不樂不弔

為哀樂則

失正散其思也曲禮

君子非致齊也非疾也不晝夜居於內

內正寢之檀弓

八十齊喪之事弗及也

八十不齊則不祭也子代之祭是謂

宗子不孤

王制

右齊戒 齊之為言齊也齊不齊以致齊者也是

故君子非有大事也非有恭敬也則不齊不齊則於物無防也嗜欲無止也及其將齊也防其邪物訖其嗜欲耳不聽樂心不苟慮必依於道手足不

苟動必依於禮專致其精明之德也故散齊七日

以定之致齊三日以齊之

詳見祭義

七日戒三日宿

慎之至也

戒散齊也宿致齊也將有祭祀之事必先敬慎如此不敢切也

禮器

雖有惡人齊戒沐浴則可以祀上帝

惡人醜貌者也孟子

不飲酒不如葷此祭祀之齊也

莊子

端衣玄裳

綽而乘路志不在於食葷

端衣玄裳即士玄端也綽與冕同鄭云端者衣

之正也士之衣袂皆二尺二寸而屬幅是廣袤等也其袪尺二寸大夫已上侈之侈之者蓋半而益一焉則袂三尺三寸袪尺八寸路人君之車亦車之通名舍人注爾雅云路車之大者葷葱韭之屬

也荀子

齊之玄也以陰幽思也故君子三日齊必

見其所祭者

齊三日者思其居處思其笑語思其志意思其所樂則見之也

郊特牲

大古冠布齊則緇之

齊則緇之者鬼神尚幽闇也唐虞以上曰大古也

同上

子之所慎齊

論語

李桓子將祭齊三日而二

日鐘鼓之音不絕冉有問於孔子曰孝子之祭也

散齊七日慎思其事三日致齊而一用之

積一而用之也

猶恐其不敬也而二日伐鼓何居焉

家語郊特牲云孔子曰

三日齊一日用之猶恐不敬二日伐鼓何居焉鄭注居讀為姬語之助也何居怪之也伐猶擊也

齊者止樂而二日擊鼓則是成一日齊也

鄉士大祭祀則各掌其鄉之禁令帥其屬夾道而蹕

屬中

士以下

野廬氏凡國之大事比脩除道路者

比較治道者名若今

次金叙大功

蜡氏凡國之大祭祀令州里除不蠲禁刑者

任人及凶服者以及郊野

蠲讀如吉圭惟饒之圭潔也刑者黥劓之屬任人司圜所

收教罷民也凶服哀經也此所禁除者皆為不欲見人所藏惡也

銜枚氏國之大祭

祀令禁無讙

令令主祭祀者並秋官

射鳥氏祭祀以弓矢毆鳥

鳶

鳥鳶善鈔盜便汙人夏官

右禁令

夏后氏大事用昏

昏時以黑此大
事謂喪事也

殷人大事用日中

日

時亦

周人大事用日出

日出時亦赤
人祭其閭云夏后氏大事以昏殷人

大事以日中周人大事以日出亦謂此郊祭也彼疏亦

云檀弓大事非止是喪亦兼諸祭與此不同當以祭義
為正

雞人大祭祀夜嘯旦以詔百官

夜夜漏未盡
雞鳴時也呼

旦以警起百
官使風興

凡國事為期則告之

象雞知時也告其
有司主事者少牢

曰宗人朝服北面曰請祭期主人曰比於子
宗人曰旦明行事告時者至此旦明而告之

巾車大

祭祀鳴鈴以應雞人

雞人主呼旦鳴鈴以和之聲且警
衆必使鳴鈴者車有和鸞相應和

之象故書鈴或作鈴
杜子春云當為鈴

小宗伯祭之日告時于王告備

于王

時薦陳之早晚備
謂饌具並春官

右為期

子路為季氏宰

宰治邑
吏也

季氏祭逮闇而

祭日不足繼之以燭

謂舊時也

雖有強立之容肅敬之

心皆倦怠矣

以其久也

有司跛倚以臨祭其為不敬大

矣

偏任為跛
依物為倚

他日祭子路與室事交乎戶堂事交

乎階質明而始行事晏朝而退

室事祭時
堂事儼尸

孔子聞

之曰誰謂由也而不知禮乎

多其知禮
禮器

大宗伯凡祀大神享大鬼祭大示宿眡滌濯涖玉鬯省

牲鑊

宿中戒也滌濯既祭器也玉禮神之玉也始涖之祭又奉之鑊烹牲器也

小宗伯大

祭祀省牲眡滌濯祭之日逆盥省鑊

逆盥受饌人之盛以入省鑊視烹腥

燕並

大宰及執事眡滌濯

執事初為祭事祭前日之夕滌濯謂溉祭器及

甑甗之屬

宰夫從大宰而眡滌濯

並天

肆師眡滌濯詔

相其禮祭之日表粢盛告潔展器陳告備

粢六穀也在器曰盛陳陳

列也故書表為剝剝表皆謂徽識也

春官

右省眡

巾車王之五路一曰王路錫樊纓十有再就建大常十

有二旂以祀

王在焉曰路玉路以玉飾諸末錫馬面當盧刻金為之所謂鏤錫也樊讀如鞞帶之

鞞謂今馬大帶也鄭司農云纓謂當胸士喪禮下篇曰馬纓三就禮家說曰纓當胸以削革為之三就三重三

匝也玄謂纓今馬鞅玉路之樊及纓皆以五采屬飾之十二就就成也大常九旗之畫日月者正幅為綵旒則

屬焉典路若有大祭祀則出路贊駕說

出路王當乘之贊駕說贊

僕與趣馬也

並春官

校人凡大祭祀毛馬而頒之

毛馬齊其色也頒授

當乘之

夏官

司常日月為常交龍為旂通帛為旌雜帛為

物通帛謂大赤從周正色無飾雜帛者以帛素飾其側白殷之正色凡旗之帛皆用絳

王建大常

諸侯建旂孤卿建旻大夫士建物

自王以下治民者旂畫成物之象王畫日

月象天明也諸侯畫交龍一象其升朝一象其下復也孤卿不畫言奉王之政教而已大夫士雜帛言以先王

正道佐職也

凡祭祀各建其旗

王祭祀之車則王路春官

節服氏掌

祭祀衮冕六人維王之大常

服衮冕者從王服也維維之以縷王旌十二旒兩兩

以縷綴連旁三人持之禮天子旌曳地鄭司農云維持之

諸侯則四人其服亦如之

夏官

大馭掌馭玉路以祀及犯輶王自左馭馭下祝登

受轡犯輶逐驅之

行山曰輶犯之者封土為山象以菩芻棘柏為神主既祭之以車轡之而

去喻無險難也春秋傳曰跋涉山川自由也王由左馭禁止馬使不行也故書輶作罰杜子春云罰當為輶輶

讀為別異之別謂祖道轆轤犬也詩云載謀載惟取蕭祭脂取羝以輶詩家說曰將出左道犯輶之祭也聘禮云乃舍輶飲酒于其側禮家說亦謂道祭及祭酌僕僕左執轡右祭兩軹

祭軌乃飲

故書軌為輶軌為範杜子春云文當如此左不當重重非是書亦或如杜子春言又云斬

當作輶輶謂兩輶也其或言輶亦非是又云軌當作軌謂車前軹也或讀輶為簪笄之笄同上

旅

賁氏凡祭祀則服而趨

服而趨夾王車趨也王齊服服衆冕則此士之齊服服玄端

齊右掌祭祀前齊車王乘則持馬行則陪乘

齊車金路王自

整齊之車也前之者已駕王未乘之時陪乘參乘謂車右也齊右則齊僕同車而有祭祀之事則兼玉路之右然則戎右凡有牲事則前馬王見牲則拱而式居馬前兼田右與却行備驚奔也曲禮曰國

君下宗廟式齊牛並夏官

師氏凡祭祀王舉則從

舉猶行也故書舉為與杜

子春云當為與謂王與祭祀之事

保氏凡祭祀王舉則從

並地官

右出路

大僕祭祀正王之服位詔法儀

詔告也

王出入則自左馭

而前驅

前驅如今道引也道而居左自馭不參乘辟王也亦有車右焉

小臣大祭祀

沃王盥小祭祀掌事如大僕之法

御僕大祭祀相盥

而登

相盥者謂奉槃授巾與登謂王為登牲體於俎特牲饋食禮主人降盥出舉入乃七載並夏官

大祝辨九擗一曰稽首二曰頓首三曰空首四曰振動

五曰吉擗六曰凶擗七曰奇擗八曰褒擗九曰肅擗以

享右祭祀

注詳曲禮春官

凡祭於室中堂上無跣

祭不跣者主敬

也天子諸侯祭有坐尸於堂之禮祭所尊在室少儀

大史大祭祀祭之日執

書以次位常

謂校呼之敬其所當居之處

辨事者攷焉不信者誅

之

謂抵冒其職事

大宗伯凡祀大神享大鬼祭大示涖玉鬯

奉玉盥治其大禮詔相王之大禮

玉禮神之玉也始涖之祭又奉之治猶簡

習也豫簡習大禮至祭當以詔相王羣臣禮為小禮並春官

大宰祀五帝及納亨

贊玉牲事及祀之日贊玉幣爵之事

納亨納牲將告殺謂嚮祭之晨既殺

以授亨人凡大祭祀君親牽牲大夫贊之日旦明也玉幣所以禮神玉與幣各如其方之色爵所以獻齊酒不用玉爵尚質也三者執以從王至而授之

祀大神示亦如之享先王亦如之

贊玉几玉爵

玉几所以依神天子左右玉几宗廟獻用玉爵

小宰凡祭祀贊

玉幣爵之事

又從大宰助王也並天官

射人祭祀相孤卿大夫

之法儀司士凡祭祀掌士之戒令詔相其法事

並夏官

肆師祭之日相治小禮誅其慢怠者大祝凡大裡

祀肆享祭示隋豐逆牲逆尸令鐘鼓右亦如之

隋豐謂薦血也

凡血祭曰豐既隋豐後言逆牲容逆鼎右當讀為侑

來瞽令皋舞

皋讀為卒嗥呼之嗥來嗥者皆

謂呼之入

並春官

封人歌舞牲反毛炮之豚

謂君牽牲入時隨歌舞之言其

肥者以歌神也毛炮豚者爛去其毛而炮之以備八珍鄭司農云封人主歌舞其牲云博碩肥膋

充

人展牲則告牲

展牲若今夕牲也特牲饋食之禮曰宗人視牲則告充舉獸尾告備近之

碩

牲則贊

贊助也君牽牲入將致之助持之也春秋傳曰故奉牲以告曰博碩肥膋並地官

射

人祭祀則贊射牲

燕嘗之禮有射豕者國語曰禘郊之事天子必自射其牲今立秋有軀劉

云

大僕贊王牲事

牲事殺割也載之屬

司士帥其屬而割牲

羞俎豆

割牲制體也羞進也並夏官

鄉師大祭祀羞牛牲

大司

徒祀五帝奉牛牲羞其肆

牛能任載地類也奉猶進也鄭司農云羞進也肆陳骨體

也玄謂進所肆解骨體
士喪禮曰肆解去蹄

享先王亦如之 小司徒凡小

祭祀奉牛牲羞其肆

小祭祀王玄冕所祭並地官

羊人祭祀割羊

牲登其首

登升也升首報陽也升首于室

小子掌祭祀羞羊肆羊殽

肉豆

鄭司農云羞進也羊肆體薦金烝也羊體體解節折也肉豆者切肉也玄謂肆讀為騶羊騶者所謂

脉解也並夏官

大司寇大祭祀奉犬牲

奉猶進也

小司寇小

祭祀奉犬牲

並秋官

諸子大祭祀正六牲之體

正謂載之

大司馬大祭祀羞牲魚授其祭

牲魚魚牲也祭謂司所以祭也鄭司農云大司

馬主進魚牲

小司馬小祭祀掌其事如大司馬之法 小

子祭祀贊羞 量人凡祭祀制其從獻脯膳之數量

鄭司

農云從獻者肉穀從酒也玄謂燔從於獻酒之肉炙也數多少也量長短也並夏官

小宗伯

祭之日逆盥省鑊

逆盥受饌人之盛以入省鑊視烹腥熟

小祝大祭祀

逆盥盛贊奠

本文贊奠在贊徹之下祀奠先徹後反言之者明所佐大祝非

注云奠奠爵也

一並
春官

右臨祭

保氏教國子六儀一曰祭祀之容

少儀云祭祀之容濟濟皇皇地官

祭祀之美齊齊皇皇

美當為儀字之誤也少儀

祭祀之志諭然

思以和祭祀之容遂遂然粥粥然敬以婉祭祀之視視

如有將祭祀之言文言有序賈誼容經凡祭容貌顏色如

見所祭者如覩其人在此玉藻臨祭不惰為無神也祭事不言

凶並曲禮堂上觀乎室堂下觀乎上謂祭時肅敬之威儀也坊記

右容貌祭如在祭神如神在程子曰祭祭先祖也祭神祭外神也

祭先主於孝祭神主於敬愚謂此門人記孔子祭祀之誠意論語仲尼嘗奉薦

而進其親也慤其行也趨趨以數詳見祭義季氏祭

有司跛倚以臨祭詳見期章

大祝相尸禮

廷其出入
詔其坐作

小祝大祭祀逆尸沃尸盥贊

隋

隋尸之祭也
並春官

舉斚角詔安尸

安安坐也尸始入舉
奠奠斚若奠角將祭

之祝則詔主人拜安尸使之坐尸即至尊之坐或時不
自安則以拜安之也天子奠斚諸侯奠角郊特牲

其有折俎者取祭反之不坐燔亦如之

亦為柄尺之
類也燔炙也

鄉射曰賓奠爵于薦西興取肺坐
絕祭左手齊之興加于俎坐悅手

尸則坐

尸尊也少牢
饋食禮曰尸

左執爵右兼取肺肺攜于俎鹽
振祭齊之加于俎豆少儀

大祝辨九祭一曰命

祭二曰行祭三曰炮祭四曰周祭五曰振祭六曰擣祭

七曰絕祭八曰繚祭九曰共祭

杜子春云命祭祭有所
主命也振祭振讀為慎

禮家讀振為振旅之振。擣祭。擣讀為虞芮之芮。鄭司農云。衍祭。羨之道。中如今祭。殤無所主。命周祭四面為坐也。炮祭。燔柴也。爾雅曰。祭天曰燔柴。擣祭以肝肺菹。擣鹽醢中以祭也。燎祭以手從肺本循之。至於末乃絕以祭也。絕祭不循其本。直絕肺以祭也。重肺賤肝。故初祭絕肝以祭。謂之絕祭。至祭之末。禮殺之後。但擣肝鹽中。振之。擬之。若祭狀。弗祭。謂之振祭。特牲饋食禮曰。取菹。擣于醢。祭于豆。間鄉射禮曰。取肺坐。絕祭。鄉飲酒禮曰。右取肺左。卻手執本坐。弗燎。右絕末以祭。少牢曰。取肝。擣于鹽。振祭。玄謂九祭皆謂祭食者。命祭者玉藻曰。君若賜之食。而君客之。則命之祭。然後祭。是也。衍字當為延。炮字當為包。聲之誤也。延祭者。曲禮曰。客若降等。執食興辭於客。然後客坐。主人延祭。是也。包猶兼也。兼祭者。有司曰。宰夫贊者取白黑以授尸。尸受兼祭于豆。祭是也。周猶徧也。徧祭者。曲禮曰。穀之序。徧祭之。是也。振祭。擣祭本同。不食者。擣則祭之。將食者。既擣必振。乃祭。

也絕祭繅祭亦本同禮多者繅之禮畧者絕則祭之共猶授也王祭食宰夫授祭孝經說曰共綏執授春官

君與尸行接武

尊者尚徐
蹈半跡

大夫繼武

迹間容迹

徐趨皆用

是

君大夫士之徐行也皆如尸行之節也

玉藻

右事尸

古者尸無事則立有事而后坐也

古謂夏時

也郊特牲

三代之禮一也民共由之周坐尸詔侑

武方其禮亦然其道一也

言此亦周所因於殷也武當為無聲之誤也方

猶常也告尸行節勸尸飲食無常若孝子之為也孝子就養無方詔侑或為詔圉

夏立尸

而卒祭

夏禮尸有事乃坐

殷坐尸

無事猶坐

周旅酬六尸

使之相酌

也后稷之尸
發爵不受旅

曾子曰周禮其猶醵與

合錢飲酒為
醵旅酬相酌

似之也王后明堂之禮
仲秋乃命國醵

禮器

有虞氏祭首夏后氏祭

心殷祭肝周祭肺

氣主盛也
明堂位

郊血大饗腥三獻燭一獻孰

血腥燭祭用
氣郊特牲

一獻質

謂祭

羣小
祀也

三獻文

謂祭社
稷五祀

五獻察

察明也謂祭
四望山川也

七獻神

謂祭
先公

器
禮

尸飲五君洗玉爵獻卿尸飲七以瑤爵獻大夫

尸飲九以散爵獻士及羣有司皆以齒

尸飲五謂醕尸
五獻也大夫士

賓祭三獻而獻
祭統

右獻數

大祝掌六祝之辭以事鬼神示祈福祥求永貞一曰順

祝二曰年祝三曰吉祝四曰化祝五曰瑞祝六曰筴祝

永長也貞正也求多福歷年得正命也鄭司農云順祝

也瑞祝道時雨寧風辨六號一曰神號二曰鬼號三曰

早也筴祝遠罪疾示號四曰牲號五曰齎號六曰幣號號謂尊其名更為美稱焉神號若云

皇天上帝鬼號若云皇祖伯某祇號若云后土地祇幣

號若云嘉玉幣云量幣鄭司農云牲號為犧牲皆有

名號曲禮曰牛曰一元大武豕曰剛鬣羊曰柔毛雞曰

翰音棗號謂黍稷皆有名號也曲禮曰黍曰薌合梁曰

香萁稻曰嘉蔬少牢饋食禮曰敢用柔
毛剛鬣士虞禮曰敢用絜牲剛鬣香合

凡大禋祀肆享

祭示則執明水火而號祝

明水火司烜所共日月之氣以給烝亨執之如以六號祝

明此圭潔也禮祀祭天神也肆享祭宗廟也

建邦國頒祭號於邦國都鄙

祭號

六號春官

踐阼臨祭祀內事曰孝王某外事曰嗣王某

皆祝辭也唯宗廟稱孝天地社稷祭之郊內而曰嗣王不敢同內外

諸侯臨祭祀內事曰

孝子某侯某外事曰曾孫某侯某

稱國者遠辟天子曲禮

祭稱

孝子孝孫

雜記

祭王父曰皇祖考王母曰皇祖妣父曰

皇考母曰皇妣夫曰皇辟

更設稱號尊神異於人也皇君也考成也言其德行之成

也妣之言媯也媯於考也辟
法也妻所取法也曲禮

凡祭宗廟之禮牛曰一

元大武豕曰剛鬣豚曰脂肥羊曰柔毛雞曰翰音犬曰

羹獻雉曰疏趾兔曰明視脯曰尹祭橐魚曰商祭鮮魚

曰臠祭水曰清滌酒曰清酌黍曰薌合梁曰香萁稷曰

明粱稻曰嘉蔬韭曰豐本鹽曰鹹醢玉曰嘉玉幣曰量

幣

號牲物者異於人用也元頭也武迹也脂亦肥也春
秋傳作脂脂充貌也翰猶長也羹獻食人之餘也尹

正也商猶量也臠直也其辭也嘉善也稻菰蔬之
屬也豐茂也大鹹曰醢今河東云幣帛也同上

祭不諱廟中不諱

謂祝嘏之辭中有先君之名者也凡
祭祭羣神廟中上不諱下玉藻

大宗伯凡祀大神享大鬼祭大示詔大號大號六號之大者以

詔大祝以為
祝辭 春官

右祝號 后稷之祀易富也其辭恭其欲儉其祿

及子孫富之言備也以傳世之詩曰后稷兆祀庶

無罪悔以迄于今兆四郊之祭處也迄至也言祀后稷于郊以配天庶幾其無罪

悔乎福祿傳世以祝嘏辭說藏於宗祝巫史非

禮也是謂幽國藏於宗祝巫史言君不知有也幽閭也國閭者君與大夫俱不明也

禮隨季梁曰祝史正辭信也正辭不虛今祝

史矯舉以祭臣不知其可也

詐稱功德以欺鬼神

公曰吾牲

牲肥腍粢盛豐備何則不信

牲牛羊豕也牲純色完全也腍亦肥也黍

稷曰粢在器曰盛

對曰夫民神之主也

言鬼神之情依民而行

是以

聖王先成民而後致力於神故奉牲以告曰博碩

肥腍謂民力之普存也

博廣也碩大也

謂其畜之碩大蕃

滋也謂其不疾癘蟲也謂其備腍咸有也

雖告神以博碩

肥腍其實皆當燕此謂民力適完則六畜既大而滋也皮毛無疥癬兼備而無有所闕

奉盛以

告曰潔粢豐盛謂其三時不害而民和年豐也

三時

春夏

奉酒醴以告曰嘉栗旨酒

嘉善也栗敬謹也

謂其上

下皆有嘉德而無違心也所謂馨香無譏慝也

馨香

之遠聞 桓

六年左氏傳

鬱人大祭祀與量人受舉斚之卒爵而飲之

斚受福之誤

也王醕尸尸嘏王比其卒爵也少牢饋食禮主人受嘏詩懷之卒爵執爵以興出宰夫以籩受盞黍主人嘗之乃還獻祝此鬱人受王之卒爵亦王出房時也必與量人者鬱人贊裸尸量人制從獻之脯醢事相成春官

量人凡宰祭與鬱人受斚歷而皆飲之

言宰祭者家宰佐王祭亦

容攝祭鄭司農云斚讀如嫁娶之嫁是器名明堂位曰爵夏后氏以琖殷以斚周以爵玄謂斚讀如嘏尸之嘏

宰冢宰

夏官

右受爵

膳夫凡王祭祀則徹王之胾俎

膳夫親徹胾俎胾俎最尊也其餘則其屬徹之

官天

大祝既祭令徹

小祝大祭祀贊徹

並春官

小

子祭祀受徹焉

凡祭於公者必自徹其俎

臣不敢煩君使也大

夫以下或使人歸之祭於公助祭於君也曲禮

右徹

肆師先祭祀禮成則告事畢

小祝大祭祀逆尸

並春官

右禮畢送尸

司巫凡祭事守瘞

謂若祭地祇有埋牲玉者也守之者以祭禮未畢若有事然祭禮畢則去

之春官

右守瘞

太宗伯以脤膾之禮親兄弟之國

脤脯社稷宗廟之肉以賜同姓之國同福

祿也兄弟有共先王者魯定公十四年天王使石尚來歸脤

春官

大行人歸脤以交

諸侯之福

交或往或來者也秋官

都宗人掌都祭祀之禮凡都

祭祀致福於國

都或有山川及因國無主九皇六十四氏之祀王子弟則立其祖王之廟其祭

祀王皆賜禽焉主其禮者警戒之糾其戒具其來致福則帥而以造祭僕

家宗人掌家祭

祀之禮凡祭祀致福

大夫采地之所祀與都同若先王之子孫亦有祖廟並春官

為人祭曰致福為已祭而致膳於君子曰膳祔練曰告

此皆致祭祀之餘於君子也攝主言致福申其辭也自祭言膳謙也祔練言告不敢以為福膳也

凡膳

告於君子主人展之以授使者于阼階之南

展省具也

南面

再拜稽首送反命主人又再拜稽首其禮大牢則以牛

左肩臂臠折九箇少牢則以羊左肩七箇犢豕則以豕

左肩五箇

折斷分之也皆用左者右以祭也羊豕不言臂臠因牛序之可知少儀

祭僕

凡祭祀致福者展而受之

臣有祭事必致祭肉於君所謂歸胙也展謂錄視其牲體

數體數者大牢則以牛左肩臂臠折九箇少牢則以羊左肩七箇特牲則以豕左肩五箇夏官

膳夫

凡祭祀之致福者受而膳之

致福謂諸臣祭祀進其餘肉歸胙于王鄭司農云膳

夫受之以給王膳天官

右致福 定公十四年天王使石尚來脰

脰祭肉天子祭

畢以之賜同姓諸侯親兄弟之國與之共福

脰者何也俎實也祭肉也

生曰脰熟曰膳其辭石尚士也

辭猶書也

何以知其士

也天子之大夫不名石尚欲書春秋

欲著名於春秋

諫曰

久矣周之不行禮於魯也請行脤貴復正也

穀梁傳

僖公九年夏會于葵丘王使宰孔賜齊侯胙

胙祭

肉尊之比

曰天子有事于文武

有祭事也

使孔賜伯舅

胙

天子謂異姓諸侯曰伯舅

齊侯將下拜孔曰且有後命天子

使孔曰以伯舅耄老加勞賜一級無下拜

七十曰耄七十一曰

也對曰天威不遠顔咫尺

言天鑒察不遠威嚴常在顔面之前八寸曰咫

小白余敢貪天子之命無下拜

小白齊侯名余身也

恐隕越

于下

隕越顛隊也據天王在上故言恐顛隊于下

以遺天子羞敢不下

拜下拜登受

拜堂下受胙於堂上左氏傳

宋先代之後也於

周為客天子有事膳焉

有事祭宗廟也膳祭肉尊之故賜以祭胙倍二十

四年左氏傳

子產曰孔張君之昆孫子孔之嗣也喪

祭有職

有所主

受脰歸脰

受胙謂君祭以肉賜大夫歸脰謂大夫祭歸肉於公

皆社之戎祭也昭十六年左氏傳

孔子為魯司寇不用從而祭

燔肉不至不脫冕而行不知者以為為肉也其知

者以為為無禮也

孟子

祭於公不宿肉祭肉不出

三日出三日不食之矣

助祭於公所得胙肉歸即頒賜不俟經宿者不留神

惠也家之祭肉則不過三日皆以分賜蓋過三日則肉必敗而人不食之是聚鬼神之餘也但比君所賜胙可少緩胙耳

朋友之饋雖車馬非祭肉不拜

朋友有通

財之義故雖車馬之重不拜祭肉則拜者敬其祖考同於已親也此一節記孔子交朋友之義並

論語

大宗伯若王不與祭祀則攝位

王有故代行其祭事

凡大祭祀王

后不與則攝而薦豆籩徹

薦徹豆籩王后之事春官

祭僕掌受

命于王以眡祭祀而警戒祭祀有司糾百官之戒具

謂王

有故不親祭也祭祀有司有事於祭祀者糾謂校錄所當具之牲物

既祭帥羣有司而反

命以王命勞之誅其不敬者凡祭祀王之所不與則賜

之禽都家亦如之

鄭司農云王之所不與謂非郊廟尊祭祀則王不與也則賜之禽公卿自

祭其先祖則賜之禽也玄謂王所不與同姓有先王之廟

夏官

右不與祭 君子之祭也必身親蒞之有故則使

人可也

祭統

孔子曰吾不與祭如不祭

又記孔子之言以明

之言已當祭之時或有故不得與而使他人攝之則不得致其如在之誠故雖已祭而此心缺然如未嘗祭也

論語

祭過時不祭 曾子問曰天子嘗禘郊社五祀之祭簠

簋既陳天子崩后之喪如之何孔子曰廢

既陳謂夙興陳饌牲器時

也天子七祀言五者闕中言之

曾子問曰當祭而日食大廟火其祭也

如之何孔子曰接祭而已矣如牲至未殺則廢

接祭而已不迎

也尸天子崩未殯五祀之祭不行既殯而祭其祭也尸

入三飯不侑醕不酢而已矣自啟至於反哭五祀之祭

不行已葬而祭祀獻畢而已

既葬弥吉畢獻祝而後止郊社亦然唯嘗禘宗廟侯

吉也並曾子問

喪三年不祭惟祭天地社稷為越紼而行

事

不敢以卑廢尊越猶躡也紼輶車索

王制

曾子問曰諸侯之祭社稷

俎豆既陳聞天子崩后之喪君薨夫人之喪如之何孔

子曰廢

亦謂夙興陳饌牲器時也

自薨比至於殯自啟至於反哭奉

帥天子

帥循也所奉循如天子者謂五祀之祭也社稷亦然

曾子問曰大夫之

祭鼎俎既陳籩豆既設不得成禮廢者幾孔子曰九請

問之曰天子崩后之喪君薨夫人之喪君之大廟火日

食三年之喪齊衰大功皆廢外喪自齊以下行也

齊衰異門

則祭

其齊衰之祭也尸入三飯不侑醕不酢而已矣大功

酢而已矣小功緦室中之事而已矣

室中之事謂賓長獻

士之所

以異者總不祭

然則士不得成禮者十一

所祭於死者無服則祭

謂若

舅舅之子從母昆弟已上曾子問

大夫士將與祭於公既視濯而父

母死則猶是與祭也次於異宮既祭釋服出公門外哭

而歸其他如奔喪之禮如未視濯則使人告告者反而

后哭

猶亦當為由次於異宮不可以吉與凶同處也使告反而後哭不敢專已於君命也

如諸父

昆弟姑姊妹之喪則既宿則與祭卒事出公門釋服而

后歸其他如奔喪之禮如同宮則次于異宮

宿則與祭出門乃解

祭服皆謂差緩也

雜記

右廢祭 宣公八年夏六月辛巳有事于大廟仲

遂卒于垂壬午猶繹萬入去籥

有事祭也仲遂卒與祭同日畧書有

事為繹張本繹又祭陳昨日之禮所以賓尸萬舞名籥管也猶者可止之辭魯人知卿佐之喪不宜

作樂而不知廢繹故內舞去籥惡其聲聞

有事于大廟襄仲卒而繹非

禮也

春秋左氏傳

仲尼曰非禮也卿卒不繹

檀弓

萬

者何干舞也籥者何籥舞也其言萬入去籥何去

其有聲者

不欲令人聞之也

廢其無聲者

廢置也置者不去也齊人語

存其心焉爾存其心焉爾者何知其不可而為之

也

明其心猶存于樂知其不可故去其有聲者而為之

猶者何通可以已也

禮大夫死為廢一時之祭有事于廟而聞之者去樂卒事卒事而聞之者廢繹日者起明日也言入者據未奏去篇時書凡祭自三年喪已下各以日月廢時祭唯郊社越緋而行事公羊傳

聞大夫之喪則去樂卒事

去篇萬卒祭事言今不然

壬午猶繹

猶者何可以已之辭也繹者祭之旦日之享賓也

萬入去篇以其為之變譏之也

內舞去篇惡其聲聞此為卿變于常

禮是知其不可而為之穀梁傳

昭公十五年二月癸酉有事

于武宮籥入叔弓卒去樂卒事

略書有事為叔弓卒起也武宮魯武

公廟成六年復立之

禘叔弓泣事籥入而卒去樂卒事禮也

大臣卒故為之去樂

左氏傳

其言去樂卒事何禮也

以加錄卒事即

非禮但當言去樂而已若去籥矣總言樂者明悉去也

君有事于廟聞大夫

之喪去樂

恩痛不忍舉

卒事

畢其祭事

大夫聞君之喪攝主

而往

主謂已主祭者臣聞君之喪義不可以不即行故使兄弟若宗人攝行主事而往不廢祭

者古禮也古有分土無分民大夫不世已父未必為今君臣也孝經曰資於事父以事君而敬同

大夫聞大夫之喪尸事畢而往

賓尸事畢而往也

公羊傳

君在祭樂之中聞大夫之喪則去樂卒事禮也

祭樂

者君在廟中祭作樂

君在祭樂之中大夫有變以聞可乎

變謂

死喪

大夫國體也

君之卿佐是謂股肱故曰國體

古之人重死君命

無所不通

死者不可復生重莫大焉是以君雖在祭樂之中大夫死以聞可也

殺梁傳

衛有大史曰柳莊寢疾公曰若疾革雖當祭必

告

革急也

公再拜稽首請於尸曰有臣柳莊也者非

寡人之臣社稷之臣也聞之死請往

急弔賢者

不釋服

而往遂以禭之與之邑襄氏與縣潘氏書而納諸

棺曰世世萬子孫毋變也

肫君祭服以禭臣親賢也所以此禭之者以其

不用襲也凡禴以飲所以厚
賢也裘縣潘邑名 檀弓

諸侯之宮縣而祭以白牡擊玉磬朱干設錫冕而舞大

武乘大路諸侯之僭禮也

言此皆天子之禮也宮縣四面縣也干盾也錫傳其背如

龜也武萬舞也白牡大路天子之禮也

郊特牲

大夫具官祭器不假聲樂

皆具非禮也是謂亂國

臣之奢富擬於國君敗亂之國也孔子謂管仲官事不攝焉得

儉祝嘏辭說藏於宗祝巫史非禮也是謂幽國

藏於宗祝巫史

言君不知有也幽闇也國闇者君與大夫俱不明也

醯醢及尸君非禮也是謂僭

君僭君之禮也醢醢先王之爵也唯魯與王者之後得用之耳其餘諸侯用時王之器而已禮運

右失禮

高宗彤日越有雉雉

彤祭明日又祭之名殷曰彤周曰繹

雉鳴也於彤日雉雉之異蓋祭禰廟也序言湯廟者非是

祖已曰惟先格王正

厥事

格正也猶格其非心之格詳下文高宗祀豐于昵昵者禰廟也豐于昵失禮之正故有雉

雉之異祖已自言當先格王之非心然後正其所失之事惟天監民以下格王之言王司敬民以下正事之言也

乃訓於王曰惟天監下民典厥義降年有永

有不永非天天民民中絕命

典主也義者理之當然行而宜之之謂言

天監視下民其禍福予奪惟主義如何爾降年有永有不永者義則永不義則不永非天天折其民民自以非義而中絕其命也意高宗之祀必有祈年請命之事如漢武帝五時祀之類祖已言永年

之道不在禱祠在於所行義與不義而已禱祠非永年之道也言民而不言君者不敢斥也民有

不若德不聽罪天既孚命正厥德乃曰其如台

若不

德不順於德不聽罪不服其罪謂不改過也孚命者以妖孽為符信而譴告之也言民不順德不服罪天既以妖孽為符信而譴告之欲其恐懼修省以正德民乃曰孽祥其如我何則天必誅絕之矣祖已意謂高宗當因雖雉以自省不可謂適然而起夫數祭豐昵徼福於神不若德也黷於祭祀傳說常以進戒意或否改不聽罪也雖雉之異是天既孚命正厥德矣其可謂妖孽其如我何耶

嗚呼王司敬民罔非天庥典祀無豐于昵

司主庥嗣也王

之職主於敬民而已徼福于神非王之事也况祖宗莫非天之嗣主祀其可獨豐於昵廟乎高宗彤

日
初平王之東遷也

周幽王為犬戎所殺平王嗣位故東遷洛邑

辛

有適伊川見被髮而祭於野者

辛有周大夫伊川周地伊水也

曰

不及百年此其戎乎其禮先亡矣

被髮而祭有象夷狄

春秦

晉遷陸渾之戎于伊川

允姓之戎居陸渾在秦晉西北誘而徙之伊川遂徙

戎號至今為陸渾縣也計此去辛有過百年而云不及百年傳舉其事驗不必其年信

僖二十二年

年左氏傳

孔子曰昔臧文仲安知禮夏父弗綦逆祀

而不止燔柴於竈以祀焉夫竈者老婦之所祭

謂祭

竈報其功老婦主祭也

盛於簋尊於瓶非所祭也

家語


孔子

曰晏平仲祀其先人豚肩不揜豆賢大夫也而難

為下也

言其偏士庶人也豚俎實豆徑尺言并豚兩肩不能覆豆喻小也

雜記



禮書綱目卷四十四

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

欽定四庫全書

經部
禮書綱目卷四十五

詳校官監察御史_臣左周

給事中_臣溫常綬覆勘

總校官進士_臣何思鈞

校對官中書_臣金光悌

騰錄監生_臣胡金芝

欽定四庫全書

禮書綱目卷四十五

婺源江永撰

因祭

補

小宗伯國大貞則奉玉帛以詔號

號神號幣號鄭司農云大貞謂卜立君卜

大

大祝建邦國先告后土用牲幣

后土神社神也

大宗伯

王大封則先告后土

后土土神也黎所食者

內宰凡建國

佐后立市祭之以陰禮

市朝者君所以建國也建國者必面朝後市王立朝而後立市

陰陽相成之義鄭司農云佐后立市者始立市后立之也祭之以陰禮者市中之社先后所立社也陰禮婦人之祭禮

天官

右立君建國 正月上日受終于文祖

上日朔日也終謂堯

終帝位之事文祖者堯文德之祖廟

肆類于上帝

堯不聽舜讓使之攝位舜察天文考

齊七政而當天心故行其事肆遂也類謂攝位事類遂以攝告天及五帝以享謂之禋宗尊也所尊祭者其祀有六謂四時也寒暑也日也月也星也水旱也祭亦以攝告

禋于六宗

精意

望于山川徧于羣神

九州名山大川五岳四瀆之屬皆一時望祭之羣神謂丘

陵墳衍古之聖賢皆祭之

正月朔旦受命于神宗

受命終事

之命神宗文祖之宗廟言神尊也

率百官若帝之初

順舜初攝帝位故事奉行

之
大
商謨

惟一月癸巳王朝步自周于征伐商月一

周之正月步行也武王以正月三日行自周往征伐商二十八日渡孟津厥四月哉生

明王來自商至于豐

其四月哉始也始生明月三日與死魄互言

丁未

祀于周廟邦甸侯衛駿奔走執豆籩

四月丁未告祭后稷以下

文考文王以上七世之祖駿太也邦國甸侯衛服諸侯皆大奔走於廟執事

越三日庚

戌柴望大告武成

燔柴郊天望祀山川先祖後郊自近始

惟二

月既望

周公攝政七年二月十五日日月相望因紀之

越六日乙未王朝

步自周則至于豐

於已望後六日二十一日成王朝行從鎬京則至于豐以遷都

之事告文王廟告文王則告武王可知以見祖考

惟太保先周公相宅

太保

三公官名召公也召公於周公前相視洛居周公後往

越若來三月惟丙午

肫越三日戊申太保朝至于洛卜宅

肫明也月三日明生之名

於順來三月丙午肫於肫五日召公早朝至于洛邑相卜所居

厥既得卜

則經營

其已得吉卜則經營規度城郭郊廟朝市之位處

越三日庚戌太

保乃以庶殷政位于洛汭越五日甲寅位成

於戊申三

日庚戌以衆殷之民治都邑之位於洛水北今河南城也於庚戌五日所治之位皆成言衆殷本其

所由來

若翼日乙卯周公朝至于洛

周公順位成之明日而朝至于

洛

則達觀于新邑營

周公通達觀新邑所營言周徧

越三日丁巳

用牲于郊牛二

於乙卯三日用牲告立郊位于天以后稷配故二牛后稷賤於天有

羊豕不見可知

越翼日戊午乃社于新邑牛一豕一羊一

告立社稷之位用太牢也共工氏子曰句龍能平水土祀以為社周祖后稷能殖百穀祀以為稷共

牢 召誥

周公曰王肇稱殷禮祀于新邑咸秩無文

言王當始舉殷家祭祀以禮典祀於新邑皆次秩不在禮文者而祀之

洛誥

歲二月東巡守至于岱宗

岱宗東嶽

柴而望祀山川

柴祭天告至也

五月南巡守至于南嶽如東巡守之禮八月西巡守至

于西嶽如南巡守之禮十有一月北巡守至于北嶽如

西巡守之禮歸假于祖禰用特

詳見巡守

天子將出類乎

上帝宜乎社造乎禰

同上

天子適四方先柴

同上

祭山

丘陵升祭川沈祭地瘞

同上

校人凡將事于四海山川

則飾黃駒

同上

玉人大璋中璋九寸邊璋七寸射四寸

厚寸黃金勺青金外朱中鼻寸衡四寸有繅天子以巡

守宗祝以前馬

同上

臨諸侯畛於鬼神曰有天王其甫

同上

天子遊不出封圻不告祖廟

周禮方千里曰王圻詩曰邦圻千里維民

所止尚書大傳

右巡守

維元祀巡守四嶽八伯壇四奧沈四海

封十有二山兆十有二州元祀代泰山貢兩伯之

樂焉中祀大交霍山貢兩伯之樂焉秋祀柞穀華

山貢兩伯之樂焉幽都弘山祀貢兩伯之樂焉歸

假于禰祖用特

詳見巡守

時邁巡守告祭柴望也

詩序

般巡守而祀四岳河海也

詩序

隱公八年鄭伯

請釋泰山之祀而祀周公以泰山之祊易許田三

月鄭伯使宛來歸祊不祀泰山也

成王營王城有遷都之志故賜

周公許田以為魯國朝宿之邑後世因而立周公別廟焉鄭桓公周宣王之母弟封鄭有助祭泰山湯沐之邑在祊鄭以天子不能復巡守故欲以祊易許田各從本國所近之宜恐魯以周公別廟為疑故云已廢泰山之祀而欲為魯祀周公孫辭以有求也許田近許之田

左氏傳

邴者

何鄭湯沐之邑也天子有事于泰山諸侯皆從泰

山之下諸侯皆有湯沐之邑焉

有事者巡守祭天告至之禮也當沐

浴潔齋以致其敬故謂之湯沐邑也所以尊待諸侯而供其費也禮四井為邑邑方二里東方二州

四百里十國凡為邑廣四十里袤四十二里取足
舍止共橐穀而已歸邠書者甚惡鄭伯無尊事天
子之心專以湯沐浴歸魯背叛當誅也歸使者重
尊湯沐邑也王者所以必巡守者天下雖平自不
親見猶恐遠方獨有不得其所故三年一使三公
黜陟五年親自巡守巡猶循也守猶守也循行守
視之辭亦不可國至人見為煩擾故至四
歲足以知四方之政而已

公羊傳

許田者

魯朝宿之邑也邠者鄭伯之所受命而祭泰山之
邑也用見魯之不朝于周而鄭之不祭泰山也

天朝

子所宿之邑謂之朝宿泰山非鄭境內從天王巡
守受命而祭也檀相換易則知朝祭並廢

桓元

年穀
梁傳

大祝大會同造于廟宜于社過大山川則用事焉及行

舍奠

詳見會同

小宗伯凡王之會同之禱祠肆儀為位

同上

諸侯將出宜乎社造乎禰

王制

孔子曰諸侯適天子

必告于祖奠于禰冕而出視朝命祝史告于社稷宗廟
山川乃命國家五官而後行道而出告者五日而徧過
是非禮也凡告用牲幣反亦如之諸侯相見必告于禰
朝服而出視朝命祝史告于五廟所過山川亦命國家
五官道而出反必親告于祖禰乃命祝史告至于前所

告者而後聽朝而入

詳見覲禮及諸侯相朝禮

諸侯將出必以幣

帛皮圭告于祖禰遂奉以出載于齊車以行每舍奠焉

而后就舍反必告設奠卒斂幣玉藏諸兩階之間乃出

蓋貴命也

詳見覲禮

覲禮侯氏裨冕釋幣于禰

詳見覲禮

諸

侯覲于天子為官方三百步四門壇十有二尋深四尺

加方明于其上方明者木也方四尺設六色東方青南

方赤西方白北方黑上玄下黃設六玉上圭下璧南方

璋西方琥北方璜東方圭天子乘龍載大旂象日月升

龍降龍出拜日於東門之外反祀方明禮日於南門外

禮月與四瀆於北門外禮山川丘陵於西門外

詳見會同

聘禮賓朝服釋幣于禰有司筵几于室中祝先入主人

從入主人在右再拜祝告又再拜釋幣制玄纁束奠于

几下出主人立于戶東祝立于牖西又入取幣降卷幣

實于筭埋于西階東又釋幣于行上介釋幣亦如之

詳見

聘禮賜饗唯羹飪筮一尸若昭若穆僕為祝祝曰孝孫

某孝子某薦嘉禮于皇祖某甫皇考某子如饋食之禮

假器於大夫盼肉及庾車

詳見聘禮

使者歸及郊請反命

穰乃入

同上

釋幣于門乃至于禰筵几于室薦脯醢觴

酒陳席于阼薦脯醢三獻一人舉爵獻從者行酬乃出

上介至亦如之

同上

右朝會

大夫聘

桓公二年冬公至自唐告于廟也

凡公行告于宗廟反行飲至舍爵策勲焉禮也

爵飲

酒器也既飲置爵則書勲勞於策言述紀有功也

左氏傳

襄公十三年公

至自晉孟獻子書勞於廟禮也

書勲勞于策也桓公二年傳曰公至

自唐告于廟也凡公行告於宗廟及行飲至舍爵策勲焉禮也桓十六年傳又曰公至自伐鄭以飲至之禮也然則還告廟及飲至及書勞三事徧行一禮則亦書至悉闕乃不書傳因獻子之事以發明凡例釋例詳之左氏傳

天子將出征類乎上帝宜乎社造乎禰禡於所征之地受命於祖受成於學出征執有罪反釋奠于學以訊馘告

詳見征伐

大祝大師宜于社造于祖設軍社類上帝國

將有事于四望及軍歸獻于社則前祝

同上

小宗伯若

大師則帥有司而立軍社奉主車若將軍有事則與祭

有司將軍于四望凡王之軍旅之禱祀肆儀為位

同上

大司馬若師有功則左執律右秉鉞以先愷樂獻于社

若師不功則厭而奉主車

同上

肆師凡師用牲于社宗

則為位類造上帝封于大神祭兵于山川亦如之凡師

不功則助牽主車

同上

小祝大師掌釁祈號祝

詳征伐

有

寇戎之事則保郊祀于社

詳祭通禮神位章

曾子問曰古者

師行必以遷廟主行乎孔子曰天子巡狩以遷廟主行

載于齊車言必有尊也今也取七廟之主以行則失之

矣曾子問曰古者師行無遷主則何主孔子曰主命問曰何謂也孔子曰天子諸侯將出必以幣帛皮圭告于祖禰遂奉以出載于齊車以行每舍奠焉而后就舍反必告設奠卒斂幣玉藏諸兩階之間乃出蓋貴命也

詳見

征伐

興兵以討不義乃告于皇天上帝日月星辰禱于

后土四海神祇山川冢社乃造于先王

詳見征伐

先期五

日大史誓于祖廟擇吉日齋戒告于郊社稷宗廟既筮則獻兆于天子使有司以特牲告社告以所征之事而

受命焉舍奠于帝學以受成然後乃類上帝柴於郊以
出以齊車載遷廟之主及社主行大司馬職奉之無遷
廟主則以幣帛皮圭告于祖禰謂之主命亦載齊車凡
行主皮圭幣帛皆每舍奠焉而後就館主車止于中門
之外外門之內廟主居於道左社主居於道右其所經
名山大川皆告祭焉戰日有司讀誥誓既卒遂禱戰祈
克於上帝然後即敵已克敵史擇吉日復禡于所征之
地柴於上帝祭社奠祖以告克者不頓兵傷士也戰不

克則不告也凡類禡皆用甲丙戊庚壬之剛日鳴金振
旅有司徧告捷于時所有事之山川既至舍于國外三
日齋以特牛親格于祖禰然後入設奠以反主若主命
則卒歛玉埋之于廟兩階間反社主如初迎之禮舍奠
于帝學以訊馘告大亨于羣吏用備樂享有功于祖廟
舍爵策勲焉謂之飲至此天子親征之禮也詳見征伐天
子命將出征親絜齊盛服設奠于祖以詔之然後告大
社冢宰執蜃宜于社之右南面授大將大將北面稽首

再拜而受承所頒賜于軍吏其出不類其克不禡戰之
所在有大山川則祈焉禱克于五帝捷則報之振旅復
命簡異功勤親告廟告社而後適朝 祈勝之禮命勇

謀之將以禦敵先使迎於適所從來之方為壇祈克于
上帝衣服隨其方色服事人數從其方之數牲則用其
方之牲祝史告于社稷宗廟邦域之內名山大川君親
素服誓衆于大廟既誓將帥勤士卒陳于廟之右君立
大廟之庭祝史立于社百官各警其事御于君以待命

乃大鼓于廟門詔將帥命卒習射三發擊刺三行告廟

用兵于敵也五兵備効乃鼓而出以即敵此諸侯應敵

之禮也

並孔叢子

帥師者受命于廟受脤于社

脤宜社之內盛以脤

器閔二年左氏傳

公族其在軍則守於公禰

謂從軍者公禰行主也行以遷

主言禰在外親也文王世子

是類是禡師祭也

師出征伐類於上帝禡於所征之地

雅爾

右行師敢用玄牡敢昭告于天神后請罪有

夏

明告天問桀百姓有何罪而加虐乎湯誥

王曰予小子夙夜祗

懼受命文考類于上帝宜于冢土以爾有衆底天

之罰

祭社曰宜冢土地也言我畏天之威告文王廟以事類告天祭社用汝衆致天罰於紂

誓泰

底商之罪告于皇天后土所過名山大川

致商

之罪謂伐紂之時后土社也名山華岳大川河

曰惟有道曾孫周王發將

有大正於商

告天地山川之辭大正以兵征之也

今商王受無道

無道

德

暴殄天物害虐烝民

暴絕天物言逆天也逆天害民所以為無道

為

天下逋逃主萃淵藪

逋亡也天下罪人逃亡者而紂為魁主窟聚淵藪澤言大

姦

予小子既獲仁人敢祗承上帝以遏亂略

仁人謂太

公周召之徒略路也言誅紂敬承天意以絕亂路

華夏蠻貊罔不率俾惟

爾有神尚克相予以濟兆民無作神羞

神庶幾助我渡民危

害無為神羞辱武成

王升舟入水鐘鼓亞觀臺亞將舟

亞宗廟亞

惡皆謂亞亞次也觀臺大史知天時占候者也宗廟行主尚書大傳

牧之野武王之大事也既事而退柴於上帝祈於

社設奠於牧室

柴祈奠告天地及先祖也牧室牧野之室也占者郊關皆有館焉先

祖者行主也

遂率天下諸侯執豆籩逡奔走

逡疾也疾奔走言勤

事也周頌曰逡奔走在廟

追王大王亶父王季歷文王昌不以

卑臨尊也

不用諸侯之號臨天子也文王稱王早矣於周猶為諸侯於是著焉大傳

桓講武類禡也

詩序

莊公八年春王正月甲午

治兵治兵于廟禮也

治兵于廟習戰令將以圍郕春秋左氏傳

諸

侯從劉康公成肅公會晉侯伐秦成子受脤于社

不敬

脤宜社之肉也盛以脤器故曰脤宜出兵祭社之名

劉子曰國之大事

在祀與戎祀有執膳

膳祭肉

戎有受脤神之大節也

交神之

大節今成子情棄其命矣

情則失中和之氣

其不反乎

為成肅公卒于瑕張本

成十三年左氏傳

秦伯伐晉以璧祈戰于

河

禱求勝

文十

晉侯伐齊將濟河獻子以朱

二年左氏傳

絲係玉二穀

雙玉曰穀

而禱曰齊環怙恃其衆負其衆

庶

環齊靈公名負依也

棄好背盟陵虐神主

神主民也謂數伐魯殘民人

曾臣彪將率諸侯以討焉

彪晉平公名稱臣者明上有天子以謙告神曾

臣猶末臣

其官臣偃實先後之

守官之臣偃獻子名

苟捷有功無

作神羞

羞恥也

官臣偃無敢復濟

偃信巫言故以死自誓

唯爾

有神裁之沈玉而濟

襄十八年左氏傳

晉伐鄭楚子救

鄭遇於鄢陵楚子登巢車以望晉軍大宰伯州犂

侍于王後王曰乘而左右皆下矣曰戰禱也

禱請於鬼

神成十六年左氏傳

晉趙鞅帥師及鄭罕達帥師戰于

鐵將戰衛太子禱曰曾孫蒯瞶敢昭告皇祖文王

周文王皇大也

烈祖康叔

烈顯也

文祖襄公

繼業守文故曰文祖蒯瞶襄公

之鄭勝亂從

勝鄭聲公名釋君助臣為從於亂

晉午在難

午晉定公名

不能治亂使鞅討之蒯瞶不敢自佚備持矛焉

戎右

持不敢告無絕筋無折骨無面傷以集大事無作三

祖羞

集成也

大命不敢請佩玉不敢愛

不敢愛故以祈禱哀公

二年左
氏傳

楚子敗晉師于邲祀于河作先君宮告

成事而還

傳言楚莊有禮所以遂興
宣十二年左氏傳

大司馬中春教振旅遂以蒐田有司表貉獻禽以祭社
中夏教茆舍遂以苗田獻禽以享礆中秋教治兵遂以
獮田致禽以祀祊中冬教大閱遂以狩田有司表貉于
陳前致禽饁獸于郊入獻禽以享烝

詳田
役篇

肆師凡四

時之大甸獵祭表貉則為位凡甸用牲于社宗則為位

同上

司几筵甸役則設熊席右漆几

同上

甸祝掌四時

之田表貉之祝號舍奠于祖廟禰亦如之師甸致禽于

虞中乃屬禽及郊饁獸舍奠於祖禰乃斂禽禘牲禘馬

皆掌其祝號

同上

小宗伯若大甸則帥有司而饁獸于

郊遂頒禽凡王之甸役之禱祠肄儀為位

同上

季秋天

子乃教於田獵命主祠祭禽於四方

同上

右田獵

吉日維戊既伯既禱

戊剛日也伯馬祖也謂天駟房星之

神也此亦宣主之詩言田獵將用馬力故以吉日祭馬祖而禱之

小雅

太子生有司齊肅端冕見之南郊見於天也

詳教太子

立

世子太史以告太祝太祝以告太祖太宗與社稷

賈誼新書

右生子立嗣

婦人先嫁三月祖廟未毀教于公宮祖廟既毀教于宗

室教成祭之牲用魚芼之以蘋藻

詳昏義

士昏禮凡行

事受諸禰廟

士昏記凡注云主人女父也

納米章主人筵於戶西西上右筵為神布席也將以

先祖之遺體許人故受其禮於禰廟親迎章主人筵于戶西西上右几疏云以先祖之遺體許人將告神故女

父先於廟設神席乃迎壻也

齊戒以告鬼神以厚其別也

詳昏義

遣女於禰廟者重先人之遺支體也不敢自專故告禰

也

同上

三月而廟見稱來婦也擇日而祭於禰成婦之

義也

同上

右婚嫁 鄭公子忽如陳逆婦媯陳鍼子送女先

配而後祖鍼子曰是不為夫婦誣其祖矣非禮也

何以能育

詳冠
昏記

楚公子圍聘于鄭且妻於公孫

段氏伯州犂曰君辱貺寡大夫圍謂圍將使豐氏

撫有而室圍布几筵告于莊公之廟而來

同上

大祝掌六祈以同鬼神示一曰類二曰造三曰禴四曰

祭五曰攻六曰說

祈禱也謂為有災變號呼告神以求福天神人鬼也祇不和則六癘作見

故以祈禮同之故書造作竈杜子春讀竈為造次之造書亦或為造造祭於祖也鄭司農云類造禋祭說皆祭名也類祭於上帝詩曰是類是禡爾雅曰是類是禡師祭也又曰乃立冢土戎醜攸行爾雅曰起大事動大衆必先有事乎社而後出謂之宜故曰大師宜於社造於祖設軍社類上帝司馬法曰將用師乃告於皇上帝日月星辰以禱於后土四海神祇山川冢社乃造于先王然後冢宰徵師於諸侯曰某國為不道征之以某年某月某日師至某國祭日月星辰山川之祭也春秋傳曰日月星辰之神則雪霜風雨之不時於是乎祭之山川之神則水旱癘疫之災於是乎祭之玄謂類造加誠肅求如志禋祭告之以時有災變也攻說則以辭責之祭如日食以朱絲繫社攻如其鳴鼓然董仲舒救日食祝曰昭昭大明熾滅無光奈何以陰侵陽以卑侵尊

是之謂說也。禋未聞焉。造類作六辭五曰禱。鄭司農云禱謂禱於

天地社稷宗廟主為其辭也。春秋傳曰鐵之戰衛太子禱曰魯孫蒯瞶敢昭告皇祖文王烈祖康叔文祖襄公

鄭勝亂從晉午在難不能治亂使鞅討之蒯瞶不敢自佚備持矛焉敢告無絕筋無破骨無面夷無作三祖羞

大命不敢請佩玉不敢愛若此之屬玄謂禱賀慶言福柞之辭晉趙文子成室晉大夫發焉張老曰美哉輪焉

美哉奐焉歌於斯哭於斯聚國族於斯文子曰武也得歌於斯哭於斯聚國族於斯是全要領以從先大夫於

九京也北面再拜稽首君子謂之善頌善禱是祝辭。小祝掌小祭祀將事侯禳

禱祠之祝號以祈福祥順豐年逆時雨寧風旱彌裁兵

遠臯疾。侯之言候也。候嘉慶祈祥之屬。禳卻凶咎。寧風旱之屬。順豐年而順為之祝辭。逆迎也。彌讀

曰救救
安也

詛祝掌盟詛類造攻說禴禘之祝號

詳盟

大宗伯國有大故則旅上帝及四望

故謂凶災旅陳也陳其祭事以祈焉

禮不如祀之備也上帝五帝也鄭司農云四望日月星海玄謂四望五嶽四鎮四瀆

典瑞四圭

有邛以旅上帝兩圭有邛以旅四望

大宗伯職曰國有大故則旅上帝及

四望並春官

玉人兩圭五寸有邛以旅四望

邛謂之抵有邛儻共本也

工記考

職金旅于上帝則共其金版

金餅謂之版此版所施未聞秋官

掌次王大旅上帝則張氈案設皇邸

大旅上帝祭天於圓丘國有故

而祭亦曰旅此以旅見祀也張氈案以氈為床於幄中鄭司農云皇羽覆上邸後版也玄謂後版屏風與梁羽

象鳳皇羽色以
為之天官

典瑞大旅共其玉器而奉之

玉器謂四圭裸

圭之屬

春官

司尊彝大喪存奠彝大旅亦如之

旅者國有大故之祭

也亦存其奠彝
則陳之不即徹

眡瞭大喪廡樂器大旅亦如之

旅非常祭

於時乃興
造其樂器

笙師大喪廡其樂器大旅則陳之

陳於饌處而已

不泄
其縣

龜人若有祭事則奉龜以往旅亦如之

大卜

凡旅陳龜

陳龜於饌處也士喪禮曰卜人先奠龜于西塾上南首是也不親貞龜亦以卜旅祭非常輕

於大遷
大師

小宗伯大戒及執事禱祠于上下神示

執事大祝

及男巫女巫也求福曰禱得求曰祠訓曰禱爾
于上下神祇鄭司農云小宗伯與執事共禱祠

大祝

國有大故天裁彌祀社稷禱祠

大故兵寇也天裁疫癘水旱也彌猶徧也徧祀

社稷及諸所禱既則祠之以報焉

喪祝掌勝國邑之社稷之祝號以

祭祀禱祠焉

勝國邑所誅討者社稷者若亳社是矣存之者重神也蓋奄其上而殺其下為北牖

小宗伯凡王之會同軍旅甸役之禱祠肆儀為位有

禍裁亦如之

謂有所禱祠肄習也

肆師與祝侯禳于畺及郊

侯禳

小祝職也畺五百里遠郊百里近郊五十里

若國有大故則令國人祭

大故謂水

旱凶荒所令祭者社及禴醢

都宗人國有大故則令禱祠反命祭

亦如之

以王命令禱祠歸白王於獲福又以王命令祭之還又反命並春官

小子凡

侯禳飾其牲

侯禳者侯四時惡氣禳去之也

羊人凡侯禳共其羊牲

並夏官

牧人凡毀事用尨可也

尨謂雜色不純毀謂副辜侯禳毀除殃咎之屬

官地

雞人凡面禳共其雞牲

面禳四面禳也

男巫掌望祀

望行授號旁招以茅

杜子春云望衍謂衍祭也授號以所祭之名號授之旁招以茅招四

方之所望祭者立謂衍讀為延聲之誤也望祀謂有牲

燔盛者延進也謂但用幣致其神二者詛祝所授類造

攻說禴禜之神冬堂贈無方無算

杜子春云堂贈謂逐疫也無方四方為可

也無算道里無數遠益善也立謂冬歲終以禮送不祥

及惡夢皆是也其行必由堂始巫與神通言當東則東

女巫掌歲時祓除釁浴

歲時祓除如今

三月上巳如水上之類覺浴謂以香薰草藥沐浴

占夢季冬乃舍萌于四方

以贈惡夢

杜子春讀萌為明又云其字當為明明謂毆疫也謂歲竟逐疫置四方書亦或為明玄謂

舍讀為釋舍萌猶釋采也古書釋采釋奠多作舍字萌采始生也贈送也欲以新善去故惡

眠祲

掌安宅叙降

宅居也降下也人見妖祥則不安主安其居處也次叙其凶禍所下謂穰移之

正

歲則行事

占夢以季冬贈惡夢此正月而行安宅之事所以順民

庶氏掌

除毒蠱以攻說禳之

毒蠱毒物而害病人者攻說祈名祈其神求去之也鄭司農云禳除

也玄謂此禳讀如潰癰之潰

翦氏掌除蠱物以攻崇攻之

蠱物穿食人器

物者蠱魚亦是也攻崇祈名並秋官

右祈禳

梁州蔡蒙旅平

蔡蒙二山名祭山曰旅平者治功畢而旅祭

也

雍州荆岐既旅

荆岐二山名

九州攸同九山刊旅

之山槎木通道已

可祭告

禹貢

昭公十八年夏五月鄭火子

產使祝史徙主禘於周廟告於先君

禘廟主石函周廟厲王廟

也有火災故合羣主於祖廟易救護

明日使郊人助祝史除於國北

為祭處於國北

禳火于玄冥回祿

玄冥水神回祿火神

祈于

四鄙

鄙城也城積土陰氣所聚故祈祭之以禳火之餘災

七月子產為火故

大為社

為治也

被禳於四方振除火災禮也

振棄也左氏

傳

宋災二師令四鄉正敬享

二師左右師也鄉正鄉大夫享祀也

祝宗用馬于四墉祝盤庚于西門之外

祝大祝宗人墉城

也用馬祭于四城以禳火盤庚殷王宋之遠祖城積陰之氣故祀之凡天災有帶無牲用馬祀盤庚

皆非禮

九年左氏傳

惠王十五年有神降于莘

惠王十五年魯

莊公二十二年降下也下者言自上而下有聲象以接人莘號地

王問于內史過

曰是何故固有之乎

故事也固猶常也

對曰有之國之將

興明神降之觀其政德而均布福焉國之將亡神

亦往焉觀其苛慝而降之禍是以或見神以興亦

或以亡昔夏之興也融降于崇山

融祝融也崇崇高山也夏居陽

城崇高所近

其亡也回祿信於聆遂

回祿火神再宿為信聆遂地名商

之興也禱杌次於丕山

禱杌鯨也過信曰次丕大邳山在河東

其亡

也夷羊在牧

夷羊神獸牧商郊牧野

周之興也鶯鶯鳴於岐

山

三君云鶯鶯鳳之別名也詩云鳳皇鳴矣于彼高岡其在岐山之脊乎

其哀也杜

伯射王于郕

郕郕京也杜國伯爵陶唐氏之後周春秋曰宣王殺杜伯而不辜後三年

宣王會諸侯田于圃日中杜伯起於道左衣朱衣朱冠操朱弓朱矢射宣王中心折脊而死是

皆明神之志者也

志記也見記錄在史籍者

王曰今是何神也

對曰昔昭王娶於房曰房后

房國名

實有爽德協于

丹朱

爽二也協合也丹朱堯子

丹朱馮身以儀之生穆王焉

馮依

也儀匹也詩云實維我儀言房后之行有似丹朱馮依其身而匹偶之生穆王滿

若由是

觀之其丹朱之神乎王曰其誰受之對曰在虢土

言神在虢號其受之

王曰吾其若之何對曰使太宰以祝史

帥狸姓奉犧牲粢盛玉帛往獻焉

大宰上卿掌祭祀之式玉帛之

事祝大祝掌祈福祥史大史掌次主位狸姓丹朱之後神不歆非類故帥以往也絕色曰犧

無有

祈也

祈求也勿有求請禮之而已

左氏傳云對曰以其物享之其至之日亦其物也彼注云

享祭也若以甲乙日至祭先脾
玉用蒼服上青以此類祭之

王使大宰忌父帥

傅氏及祝史

傅氏狸姓也在周為傅氏

奉犧牲玉鬯往獻焉

玉鬯

鬯酒之圭長尺二寸有瓚所以灌地降神之器

內史過從至虢虢公亦使

祝史請事焉內史過歸告王曰虢必亡矣不禋於

神而求福焉神必禍之十九年晉取虢

國語周語

楚

共王無冢適

冢大也

有寵子五人無適立焉乃大有

事于羣望

羣望星辰山川

而祈曰請神擇於五人者使主

社稷乃徧以璧見於羣望曰當璧而拜者神所立

也誰敢違之既乃與巴姬密埋璧於大室之庭

巴姬

共王妾大室祖廟
昭十三年左氏傳

小宗伯凡天地之大裁類社稷宗廟則為位

詳災
變禮

鼓

人救日月則詔王鼓

同上

大僕軍旅旬役贊王鼓救日

月亦如之

同上

右天地大裁 莊公二十五年六月辛未朔日有

食之鼓用牲于社非常也唯正月之朔慝未作日

有食之於是乎用幣于社伐鼓于朝

詳災
變禮

日食

則曷為鼓用牲于社求乎陰之道也以朱絲營社

或曰脅之或曰為閭恐人犯之故營之

上同

言日

言朔食正朔也鼓用牲于社鼓禮也用牲非禮也

天子救日置五麾陳五兵五鼓諸侯置三麾陳三

鼓三兵大夫擊門士擊柝言充其陽也

上同

文公

十五年六月辛丑朔日有食之鼓用牲于社非禮

也日有食之天子不舉伐鼓于社諸侯用幣于社

伐鼓于朝以昭事神訓民事君示有等威古之道

也

同上

昭公十七年六月甲戌朔日有食之祝史

請所用幣昭子曰日有食之天子不舉伐鼓于社
諸侯用幣于社伐鼓于朝禮也平子禦之曰止也
唯正月朔慝未作日有食之於是乎有伐鼓用幣
禮也其餘則否太史曰在此月也日過分而未至
三辰有災于是乎百官降物君不舉辟移時樂奏
鼓祝用幣史用辭故夏書曰辰不集于房瞽奏鼓
嗇夫馳庶人走此月朔之謂也當夏四月是謂孟

夏平子弗從昭子退曰夫子將有異志不君君矣

同上

昭公十七年冬有星孛於大辰西及漢

夏之八月

辰星見在天漢西今孛星出辰西光芒東及天漢

鄭裨竈言於子產曰

宋衛陳鄭將同日火若我用瓘曄玉瓚鄭必不火

瓘圭也曄玉爵也瓚勺也欲以禳火

子產弗與

以為天災流行非禳所息故也

十八

年夏五月火始昏見

火心星

壬午宋衛陳鄭皆火裨

竈曰不用吾言鄭又將火

前年裨竈欲用瓘曄禳火子產不聽今復請用

之鄭人請用之子產曰天道遠人道邇非所及也

何以知之竈焉知天道是亦多言矣豈不或信言多

者或時有中

遂不與亦不復火

傳言天道難明雖裨竈猶不足以盡知之左

氏

哀公六年有雲如衆赤鳥夾日以飛三日楚

子使問諸周大史周大史曰其當王身乎

日為人君妖氣

守之故以爲當王身雲在楚上唯楚見之故禍不及他國

若禘之可移於令尹

司馬

禘禘祭

王曰除腹心之疾而寘諸股肱何益不

穀不有大過天其矢諸有罪受罰又焉移之遂弗

禘

左氏傳

昭公二十六年齊有彗星

出齊之分野不書魯不見

齊侯使禳之

祭以禳除之

晏子曰無益也祇取誣焉

誣欺

也

天道不諂

諂疑也

不貳其命若之何禳之且天之

有彗也以除穢也若無穢德又何禳焉若德之穢

禳之何損公說乃止

左氏傳

梁山崩

梁山晉望也崩在魯成五

年

以傳召伯宗

傳驛也伯宗晉大夫孫伯糾之子

絳人曰夫國主

山川

主為山川之主也孔子曰夫顓臾為東蒙主

故川涸山崩君為之

降服出次

涸竭也川竭則山崩降服編素也出次出於郊也

乘縵不舉策

於上帝

縵車無文也不舉不舉樂也策於上帝以簡策之文告於上帝周禮曰鎮五嶽崩命

去樂

國三日哭以禮焉

以禮於神也周禮國有大災三日哭樂成五年左氏傳

云山崩川竭君為之不舉降服乘綬徹樂出次祝幣史辭以禮焉與此小異

雖伯宗亦

然如是而已伯宗及絳以告君從之

國語晉語

維王后元祀

王謂禹也后君也祀年也禹始居攝為君之年也

帝命大禹步于

上帝

帝舜也步推也于於也上帝天也帝令禹推演天道謂觀得失反覆也

維時洪祀六

沴用咎於下

用此時禹始大祀六沴之用咎于下者用極昭格神靈以明其祀之盛大也

是

用知不畏而神之怒

而乃也舜任禹禹能治其民撫其神舜知其弭神之怒可知也

若

六沴作見若是共禦帝用不差神則不怒

若是順也共讀曰恭禦止

也差疑也舜見禹知人
善任故命之無復疑也

五福乃降用章于下

降下也章明也

若

六沴作見若不共禦六伐既侵六極其下

侵陵也庶幾奉天行罰殷

萬物也極凶也不
共禦則必見凶也

禹乃共辟厥德受命休令

辟明也厥其也休美

也禹於是恭明其德維日
孳孳受舜之美令奉行之

爰用五事建用王極

王極或皆為皇

極長事

長猶君也

一曰貌貌之不恭是為不肅

肅敬也君貌不恭則是不

能敬其

厥咎狂

君臣不敬則倨慢如狂矣

厥罰恒雨

貌曰木木主春春氣生生氣失

則踰其節
故恒雨也

厥咎惡

生氣失故於人則為惡

時則有服妖

服貌之飾

時則

有龜孽

龜蟲之生於水而游於春者也屬木

時則有雞禍

雞畜之有冠翼者也屬木

時

則有下體生於上之病

病病也貌氣失之病也

時則有青青吉祥

青木色也青生於此祥自外來也

唯金沴水

沴沴也凡貌言視聽思念一事失則逆人之心人心

逆則怨木金水土火氣為之傷傷則衝勝來乘沴之於是神怒人怨將為禍亂故五行先見變異以謹告人也及妖孽禍病青祥皆其氣類暴作非常時為怪者也各以物象為之占也

二曰言言之不從

是謂不义厥咎僭厥罰恒賜厥極憂時則有詩妖時則

有介蟲之孽時則有大禍時則有口舌之病時則有白

青白祥唯木沴金三曰視視之不明是謂不哲厥咎舒

厥罰恒燠厥極疾時則有草妖時則有羸蟲之孽時則

有羊禍時則有目病時則有赤青赤祥唯水沴火四曰
聽聽之不聰是謂不謀厥咎急厥罰恒寒厥極貧時則
有鼓妖時則有魚孽時則有豕禍時則有耳病時則有
黑青黑祥唯火殄水五曰思思之不睿是謂不聖厥咎
霧厥罰恒風厥極凶短折時則有脂夜之妖時則有華
孽時則有牛禍時則有心腹之病時則有黃青黃祥
維金木水火沴土六月王極王之不極是謂不建厥
咎眊厥罰恒陰厥極弱時則有射妖時則有龍蛇之孽

時則有馬禍時則有下人伐上之病

夏侯勝說伐宜為代書亦或作代陰

陽之神曰魂魄君行不由常倫張無度則魂魄傷也王氣失之病也不中之人恒耆其味厚其毒增以為病將

以聞賢代之也春秋傳所謂奪伯有魄者是也不名疾疾不著於身體也時則有日月亂行

星辰逆行

亂謂薄食闕並是逆謂盈縮反明經天守舍之類也不言沴天天至尊無能沴之者離逢

非沴維鮮之功謂此也

維五位復建辟厥沴

人君失五事則五行相沴違其位復立之

者當明其變異則知此為貌邪輒改過以共禦之至司之月又必齋肅祭祀以撫其神則咎除矣不言六位天

不違其位

曰二月三月維貌是司四月五月維視是司六月

七月維言是司八月九月維聽是司十月十一月維思

心是司十二月與正月維王極是司

司主也此蓋用夏數也夏數得天之

正玄或疑焉此用王事之次則四月五月主視六月七月主言非也用五行王相之次則八月九月主聽十月十一月主思心亦非也子駿傳曰二月三月維貌是司四月五月維視是司六月七月維思心是司八月九月維言是司十月十一月維聽是司十二月與正月維王極是司於四時之氣以近其正也

凡六沴之

作歲之朝月之朝日之朝則后王受之歲之中月之中

日之中則公卿受之歲之夕月之夕日之夕則庶民受

之自正月盡四月為歲之朝自五月盡八月為歲之中自九月盡十二月為歲之夕上旬為月之朝中旬為月

之中下旬為月之夕平旦至食時為日之朝晡中至日昃為日之中晡時至黃昏為日之夕受之受其凶咎也

其二辰以次相將其次受

二辰謂日月也假令歲之朝也日月中則上公受之日月

夕則下公受之日月朝大夫受之歲之夕也日月朝則上士受之日月中則下士受之其餘差以尊卑多少則

悉星辰莫同莫夜也星辰之變夜見亦與晝同初昏為朝夜半為中將晨為夕或曰將晨為朝初

昏為是離逢非沴維鮮之功離憂也逢見也是謂憂見之象非沴也言王行事能

沴天者也鮮殺也功成也維凶咎禦貌於喬忿止貌之

之殺已成故天垂變異以示人也禦貌於喬忿止貌之

於去驕忿也驕忿者不恭之刑也驕忿謂若傲很明德忿類無期之類也以其月從其禮祭

之參乃從從順也三祭之其神乃順不怒也禦言於訖衆以其月從其

禮祭之參乃從訖止也止言之失者在於去止衆止衆者是不從之刑也止衆謂若周厲王弭

謗以障民御視於忽似以其月從其禮祭之叁乃從止

口之類也之失者在於去忽似忽似者是不明之刑也忽似御聽

謂若亂於是非象恭滔天及不辨虎馬之類也於怵攸以其月從其禮祭之叁乃從

怵攸讀曰獸不狘之

漂飄之飄止聽之失者在於去怵攸者是不聰之刑也

怵攸謂若老夫嚙嚙小子蟪蛄誨爾純純聽我眊眊之

尤過也

類御思心於有尤以其月從其禮祭之叁乃從

尤過也

之失者在於去欲有所過欲者是不睿之刑也欲有所

止思心

過欲若昭公不知禮而習小儀不脩政而欲誅季氏之

宗尊也

也御王極於宗始以其月從其禮祭之叁乃從

宗尊也

王

之失者在於尊用始祖之法度不言其惡者人性備於

五德得失在斯王不裨則五事皆失非一惡也大者易

三

姓小者減身其能宗始則錄延其受命之君承天制
作猶天之教命也故掌祖廟之藏者謂之天府也

六

沴之禮散齊七日致齊新器絜祀用赤黍三日之朝於

中庭祀四方從東方始卒於北方

禮志致齊三日周禮凡祭祀前期十日宗

伯帥執事卜日是為齊一旬乃祀也今此致齊即祀者欲得容三祀也蓋八日為致齊明九日朝而初祀者一旬有一日事乃畢也新器赤黍改過之宜也中庭明堂之庭也或曰朝庭之庭也此祀五精之神其器牲粢盛有常禮記其異者也不祀天其祀禮曰格祀篇名也曰非正月亦以此禮祀此神也

其也方祀曰播國率相行祀

篇中大祝贊主人辭也其也天子名也方祀祀四方

也播讀曰藩藩國謂諸侯相助也言其祀也大祝告神諸侯率其常事來即助行祭之禮也

之辭也周禮大祝掌六祝之辭
以事鬼神祇祈福祥求永貞也
曰若爾神靈洪祀六沴

是作

神靈謂木精靈威仰火精赤熛怒土精含樞紐金精白招拒水精叶光紀及木帝大皞火帝炎帝土

帝黃帝金帝少皞水帝顓頊木官勾芒火官祝融土官后土金官蓐收水官玄冥皆是也生勤其事死在祀典配其神而食作猶為無差無傾無有不正
言神靈正直也六沴是神靈所為

是也若民有不敬事則會批之六沴
言民廣及天下有過者也事六事也

會合也批推也言天下有過神靈亦合推內于六沴天子以天下為任者六事之機以縣示

我
六事貌言視聽思心王極也機天文也天文運轉以縣見六事之變異示我我謂天子
我民人

無敢不敬事上下王祀

我與民人無敢不敬畏六事上下君祀之所縣示變異者言皆

悔過也上君祀靈威仰下君祀大暉之屬也尚書大傳

右六沴

大司徒荒政十有二聚萬民十有一曰索鬼神

荒凶年也鄭司

農云救饑之政十有二品索鬼神求廢祀而修之雲漢之詩所謂靡神不舉靡受斯牲者也地官

司

巫若國有大旱則帥巫而舞雩

雩旱祭也天子於上帝諸侯於土公之神鄭司

農云魯僖公欲焚巫廔以其舞雩不得雨

國有大災則帥巫而造巫恒

杜子春云

司巫帥巫官之屬會聚常處以待命也玄謂恒久也巫久者先巫之故事造之當采視所施為

女巫

旱暵則舞雩

使女巫舞旱祭崇陰也鄭司農云求雨以女巫故檀弓曰歲旱繆公召縣子而問焉

曰吾欲暴巫而奚若曰天則不雨而望之愚婦人無乃已疏乎凡邦之大哉歌哭而請

有歌者有哭者冀以悲哀感神靈也

竝春官

舞師教皇舞帥而舞旱暵之

事

旱暵之事謂雩也暵熱氣也鄭司農云皇舞蒙羽舞皇或為望玄謂皇析五采羽為之亦如帔

稻

人旱暵共其雩斂

稻人共雩斂稻急水者也鄭司農云雩事所發斂

竝地官

右凶旱 湯之時大旱七年雒坼川竭煎沙爛石

於是使人以三足鼎祝山川教之祝曰政不節耶

使人疾耶苞苴行耶謀夫昌耶宮室營耶女謁盛

耶何不雨之極也蓋言未已而天大雨夫天之應

人如影之隨形響之効聲者也

東漢鍾離意傳注云帝王紀曰成湯

大旱七年齊戒翦髮斷爪以已為犧牲禱於桑林以六事自責說苑

倬彼雲漢

昭回于天王曰於乎何辜今之人天降喪亂饑饉

薦臻靡神不舉靡愛斯牲圭璧既卒寧莫我聽

賦也

雲漢天河也昭光回轉也于天其光隨天而轉也薦通重也臻至也靡神不舉所謂國有凶荒則索鬼神而祭之也圭璧禮神之玉也卒盡寧猶何也舊說以為宣王承厲王之烈內有撥亂之志遇歲而懼側身修行欲消去之天下喜於王化復行百姓見憂故仍叔作此詩以美之言雲漢者夜晴則天河明故述王仰旱既大甚蘊隆蟲蟲不殄殫訴於天之辭如此也

祀自郊徂宮上下奠瘞靡神不宗后稷不克上帝

不臨耗斁下土寧丁我躬

賦也蘊蓄隆盛也蟲蟲熱氣也殄絕也郊祀天

地也宮宗廟也上祭天下祭地奠其禮瘞其物宗尊也克勝也言后稷欲救此旱災而不能勝也臨享也稷以親言帝以尊言也數敗丁當也何以當我之身而有是災也或曰與其耗斁下土寧使哉害當我身也亦通大雅雲漢

齊大旱景公召羣臣問曰天不

雨久矣吾使人卜之祟在高山廣水寡人欲少賦斂以祠靈山可乎晏子曰不可夫靈山以石為身以草木為髮天久不雨髮將焦身將熱彼獨不欲

雨乎祠之無益景公曰吾欲祠河伯可乎晏子曰
不可夫河伯以水為國以魚鼈為民天久不雨水
泉將下百川竭國將亡民將滅矣彼獨不用雨乎
祠之何益景公曰今為之奈何晏子曰君誠避宮
殿暴露與靈山河伯共憂其幸而雨乎於是景公
出野暴露三日天果大雨說苑衛大旱卜有事於

山川不吉

有祭事也

甯莊子曰昔周饑克殷而年豐今

邠方無道諸侯無伯

伯長也

天其或者欲使衛討邠

乎從之師興而雨

僖十九年左氏傳

鄭大旱使屠擊祝

款豎柎有事於桑山

三子鄭大夫有事祭也

斬其木不雨子

產曰有事於山藝山林也

藝養護令繁植

而斬其木其罪

大矣奪之官邑

昭十六年左氏傳

歲旱穆公召縣子而

問然

然之言焉也凡穆或作繆

曰天久不雨吾欲暴尫而奚若

奚若何如也尫者面鄉天覲天哀而雨之

曰天則不雨而暴人之疾子

虐毋乃不可與

鋼疾人之所哀暴之是虐

然則吾欲暴巫而奚

若曰天則不雨而望之愚婦人於以求之毋乃已

疏乎

已猶甚也巫主接神亦觀天象而雨之春秋傳說巫曰在女曰巫在男曰覡周禮女巫旱

暎則舞雩

徙市則奚若曰天子崩巷市七日諸侯薨巷

市三日為之徙市不亦可乎

徙市者庶人之喪禮今徙市是憂戚於早

若喪檀弓

莊公二十五年秋大水鼓用牲于社于

門亦非常也

失常禮

凡天災有幣無牲

天災日月食大水也祈請

而已不用牲也

非日月之眚不鼓

眚猶災也月侵日為眚陰陽逆順之事賢聖所

重故特鼓之春秋左氏傳

高下有水災曰大水既戒鼓而

駭衆用牲可以已矣救日以鼓兵救水以鼓衆

穀梁

傳

于社禮也于門非禮也

公羊傳

鄭大水龍鬬

于時門之外洧淵

時門鄭城門也洧水出滎陽密縣東南至潁川長平入潁

國

人請為滎焉子產弗許曰我鬬龍不我覲也

覲見也

龍鬬我獨何覲焉禳之則被其室也

淵龍之室

吾無求

於龍龍亦無求於我乃止也

傳言子產之知昭十九年左氏傳

女祝掌王后之內祭祀凡內禱祠之事

內祭祀六宮之中龍門戶禱疾

病求瘳也祠報福

掌以時招梗禴禳之事以除疾殃

鄭大夫讀梗為亢玄

謂梗禦未至也除災害曰禴禴猶刮去也卻變異曰禴禴禳也四禮唯禴其遺象今存

天官

男巫

春招弭以除疾病

招招福也杜子春讀弭如彌兵之彌
玄謂弭讀為救字之誤也救安也安

凶禍也招救皆有
祀行之禮 春官

疾病乃行禱五祀

盡孝子之情五
祀博言之士二

祀曰門曰行
士喪禮記

右疾病 既克商二年王有疾弗豫

伐紂明年武
王有疾不悅

豫 二公曰我其為王穆卜

集傳二公太公召公也李
氏曰穆卜猶言敬卜也

周公曰未可以戚我先王

戚憂惱之意未可以武
王之疾而憂惱我先王

也蓋卻二
公之卜 公乃自以為功為三壇同墠為壇於南

方北面周公立焉植璧秉珪乃告太王王季文王

功事也築土曰壇除地曰壇三壇三王之位皆南向三壇之南別為一壇北向周公所立之地也植置也珪璧所以禮神史乃冊祝曰惟爾元孫某遘厲虐疾若

爾三王是有丕子之責于天以旦代某之身

元孫某武

王也遘遇厲惡虐暴也丕子元子也武王為天子三王當任其保護之責于天不可命其死也

予仁若考能多材多藝能事鬼神乃元孫不若旦

多材多藝不能事鬼神今我即命于元龜爾之許

我我其以璧與珪歸俟爾命爾不許我我乃屏璧

與珪

即就也屏藏也

乃卜三龜一習吉啟籥見書乃并是

吉

卜筮必立三人以相參考三龜者三人所卜之龜也習重也

公曰體王其罔

害

體兆之體也

公歸乃納冊于金縢之匱中王翼日乃

瘳

匱藏卜書之匱金縢以金緘之也

夷王愆于厥身

夷王厲王父也

愆惡疾也

諸侯莫不竝走其望以祈王身

昭二十六年左氏傳

宋公享晉侯于楚丘請以桑林

桑林殷天子之樂名

荀瑩辭

辭讓之

荀偃士會曰諸侯宋魯於是觀禮魯有禘樂

賓祭用之宋以桑林享君不亦可乎

言其天子樂也

舞師

題以旌夏

師樂師也旌夏大旌也題識也以大旌表識其行列

晉侯懼而退

入于房

旌夏非常卒見之人心偶有所畏

去旌卒享而還及著雍

疾

晉侯疾也著雍晉地

卜桑林見

崇見於卜兆

荀偃士匄欲奔請

禱焉

奔走還宋禱謝

荀瑩不可曰我辭禮矣彼則以之

用以

之猶有鬼神於彼加之

言自當加罪於宋

晉侯有間

間疾差也

襄十年左氏傳

鄭簡公使公孫成子來聘

成子子產之諡

平

公有疾韓宣子贊授客館

贊導也

客問君疾對曰寡

君之疾久矣上下神祇無不徧諭也

諭謂祭祀告謝也

而

無除今夢黃熊入于寢門

夢公夢也注云熊似羆

不知人殺

乎抑厲鬼邪

人殺主殺人厲鬼惡鬼也

子產曰以君之明子為

大政其何厲之有

大政美大之政

僑聞之昔者鯀違帝命

殛之於羽山

帝堯也殛放而殺之

化為黃熊以入于羽淵

羽山

之淵鯀既死而神化也

實為夏郊

禹有天下而郊祀之

三代舉之

舉謂不廢

其夫鬼神之所及

吉凶所及

非其族類則紹其同位

紹繼

也殷周祀之是也

是故天子祀上帝

上帝天也

公侯祀百辟

死以

勤事功施於民者

自卿以下不過其族

族親族也

今周室少卑

晉實繼之

謂為盟主統諸侯也

其或者未與夏郊邪宣子以

告祀夏郊

為周祀也

董伯為尸

董伯晉大夫神不歆非類則董伯其姒姓乎尸

主也國語晉語

晉侯有疾鄭伯使公孫僑如晉聘且

問疾叔向問焉曰寡君之疾病卜人曰實沈臺駘

為祟史莫之知敢問此何神也子產曰昔高辛氏

有二子伯曰閼伯季曰實沈高辛帝嘗居于曠林不相

能也

曠林地闕

日尋干戈以相征討

尋用也

后帝不臧

后帝

堯也臧善也

遷閼伯于商丘主辰

商丘宋地主祀辰星辰大火也

商人

是因故辰為商星

商人湯先相土封商丘因閼伯故國祀辰星

遷實沈

于大夏主參

大夏今晉陽縣

唐人是因以服事夏商

唐人若劉

累之等累遷魯縣此在大夏

其季世曰唐叔虞

唐人之季世其君曰叔虞

當武

王邑姜方震大叔

邑姜武王后齊太公之女懷胎為震大叔成王之弟叔虞

夢

帝謂已余命而子曰虞

帝天取唐君之名

將與之唐屬諸

參而蕃育其子孫及生有文在其手曰虞遂以命

之及成王滅唐而封大叔焉故參為晉星

叔虞封唐是為

晉侯由是觀之則實沈參神也昔金天氏有裔子曰

昧為玄冥師生允格臺駘

金天氏帝少皞裔遠也玄冥水官昧為水官之

長臺駘能業其官

纂昧之業

宣汾洮

宣猶通也汾洮二水名

障大

澤

陂澤障之

以處大原

大原晉陽也臺駘之所居

帝用嘉之封諸汾

川

帝顓頊

沈如蓐黃實守其祀

四國臺駘之後

今晉主汾而

滅之矣

滅四國

由是觀之則臺駘汾神也抑此二者

不及君身山川之神則水旱厲疫之災於是乎崇

之

有水旱之災則崇祭山川之神若臺駘者周禮四日禋祭為營壝用幣以祈福祥

日月

星辰之神則雪霜風雨之不時於是乎崇之

星辰之神

若實沈者

若君身則亦出入飲食哀樂之事也山川星

辰之神又何為焉

言實沈臺駘不為君疾昭元年在氏傳

齊侯疥

遂疔

疔瘡疾

期而不瘳諸侯之賓問疾者多在

多在齊

梁丘據與裔款

二子齊嬰大夫

言於公曰吾事鬼神豐於

先君有加矣今君疾病為諸侯憂是祝史之罪也

諸侯不知其謂我不敬君盍誅於祝固史嚚以辭

賓

欲殺嚚固以辭謝來問疾之賓

公說告晏子晏子曰若有德之

君外內不廢

無廢事

上下無怨動無違事其祝史薦

信無愧心矣

君有功德祝史陳說之無所愧

是以鬼神用饗國受

其福祝史與焉

與受國福

其所以蕃祉老壽者為信君

使也其言忠信於鬼神其適遇淫君外內頗邪上

下怨疾動作辟違從欲厭私

使私情厭足

高臺深池撞

鐘舞女斬刈民力輸掠其聚

掠奪取也

以成其違不思

謗讟不憚鬼神神怒民痛無悛於心其祝史薦信

是言罪也

以實白神是為言君之罪

其蓋失數美是矯誣也

蓋掩

也進退無辭則虛以求媚

作虛辭以求媚於神

是以鬼神不

饗其國以禍之祝史與焉所以天昏孤疾者為暴

君使也其言僭嫚於鬼神公曰然則若之何對曰

不可為也

言非誅祝史所能治

民人苦病夫婦皆詛祝有益

也詛亦有損聊攝以東

聊攝東西界也平原聊城縣東北有攝城

姑尤

以西

姑尤齊東界也姑尤水皆在城陽郡東南入海

其為人也多矣雖

其善祝豈能勝億兆人之詛

萬萬曰億萬億曰兆

君若欲誅

於祝史脩德而後可公說使有司寬政毀闕去禁

薄斂已責

除逋責

十二月齊侯田于沛

言疾愈行獵沛澤名昭

二十年左氏傳

楚昭王有疾卜曰河為祟王弗祭大夫

請祭諸郊王曰三代命祀祭不越望

諸侯望祀竟內山川星辰

江漢睢漳楚之望也

四水在楚界

禍福之至不是過也

不穀雖不德河非所獲罪也遂弗祭

哀六年左氏傳

子

疾病子路請禱子曰有諸子路對曰有之誅曰禱

爾于上下神祇子曰丘之禱久矣

禱謂禱於鬼神有諸問有此理

否誅者哀死而述其行之辭也上下謂天地天曰神地曰祇禱者悔過遷善以祈神之佑也無其禮則不必禱既曰有之則聖人未嘗有過無善可遷其素行固已合於神明故曰丘之禱久矣又士喪禮疾病行禱五祀蓋臣子迫切之至情有不能自已者初不請於病者而後禱也故孔子之於子路

不直拒之而但告以無
所事禱之意 論語

小祝大喪及葬設道齋之奠分禱五祀

杜子春云齋當為築道中祭也

漢儀每街路輒祭玄謂齋猶送也送道之奠謂遣奠也分其牲體以祭五祀告王去此宮中不復反故興祭祀也王七祀祀五者司命大厲平生出入不以告春官

右喪祭

詛祝作盟詛類造攻說禴崇之祝號

八者之辭皆所以告神明也盟詛主

於要誓大事曰盟小事曰詛

作盟詛之載辭以叙國之信用以質邦

國之劑信

載辭為辭而載之於策坎用牲加書於其上也國謂王之國邦國諸侯國也質正也成也

文王脩德而虞芮質厥成鄭司農云載辭以春秋傳曰使祝為載書春官

司盟掌盟載

之灋

載盟辭也盟者書其辭於策殺牲取血坎其牲如書於上而埋之謂之載書春秋傳曰宋寺人惠牆

伊庚坎用牲加書為世子痤與楚客盟

凡邦國有疑會同則掌其盟約之

載及其禮儀北面詔明神既盟則貳之

有疑不協也明神神之明察者

謂日月山川也覲禮加方明于壇上所以依之也詔之者讀其載書以告之也貳之者寫副當以授六官盟

萬民之犯命者詛其不信者亦如之

盟詛者欲相與共惡之也犯命犯君

教令也不信違約者也春秋傳曰臧紇犯門斬闔以出乃盟臧氏又曰鄭伯使卒出緍行出犬雞以詛射顓考

叔凡民之有約齊者其貳在司盟

貳之者檢其自相違約

有獄訟

者則使之盟詛

不信則不敢聽此盟詛所以省獄訟

凡盟詛各以其地域

之衆庶共其牲而致焉既盟則為司盟共祈酒脯

使其邑閭

出牲而來盟已又使出酒脯司盟為之祈明神使不信者必凶

秋官封人大盟則飾

其牛牲

大盟會同之盟地官

戎右盟則以玉敦辟盟遂役之

鄭司農云敦器名也辟法也玄謂將敵血者先執其器為衆陳其載辭使心皆開辟也役之者傳敵血授當敵

者贊牛耳桃茢

鄭司農云贊牛耳春秋傳所謂執牛耳者故書茢為減杜子春云減當為厲玄

謂尸盟者割牛耳取血助為之及血在敦中以桃茢拂之又助之也耳者盛以珠盤尸盟者執之桃鬼所畏也

茢莒帚所以掃不祥夏官

右盟詛

泣牲曰盟

泣臨也次用牲臨而讀其盟書盟禮亡曲禮

成

王盟諸侯于岐陽

岐山

楚為荊蠻

荊州之蠻也

置茅蕝

設望表與鮮卑守燎

置立也蕝謂束茅而立之所以縮酒望表謂望祭山川立

木以為表表其位也鮮卑東夷國燎庭燎也國語晉語

隱公八年秋七月

庚午宋公齊侯衛侯盟于瓦屋外盟不日此其日

何也諸侯之參盟於是始故謹而日之也

世道交喪盟詛

滋彰非可以經世軌訓故存日以記惡蓋春秋之始也

誥誓不及五帝

五帝謂黃

帝顓頊帝嚳帝堯帝舜也誥誓尚書六誓七誥是其遺文五帝之世道化淳備不須誥誓而信自著

盟詛不及三王

三王謂夏殷周也夏啟有鈞臺之享商湯有景亳之命周武有盟津

之會衆所歸信不盟詛也

交質子不及二伯

二伯謂齊桓晉文齊桓有召陵之師

晉文有踐土之盟諸侯率服不質任也

穀梁傳

五伯桓公為盛葵丘

之會諸侯束牲載書而不歃血初命曰誅不孝無
易樹子無以妾為妻再命曰尊賢育才以彰有德
三命曰敬老慈幼無忘賓旅四命曰士無世官官
事無攝取士必得無專殺大夫五命曰無曲防無
遏糴無有封而不告曰凡我同盟之人既盟之後

言歸于好

按春秋傳僖公九年癸丘之會陳牲而不殺讀書加于牲上壹明天子之禁

孟

晉文公伐衛楚師救衛戰于城濮楚師敗績

晉師還至于衡雍作王宮于踐土王子虎盟于王

庭

踐土宮之庭書踐土別于京師

要言曰皆獎王室無相害也有

渝此盟明神殛之俾隊其師無克祚國及而玄孫

無有老幼

獎助也渝變也殛誅也俾使也隊隕也克能也僖二十八年左氏傳

諸侯伐鄭鄭人恐乃行成

與晉成也

同盟于戲將盟鄭

六卿公子駢

子駢

公子發

子發

公子嘉

子嘉

公孫輒

子輒

公

孫蠆

子螭

公孫舍之

子辰

及其大夫門子皆從鄭伯

子門

御之適子

晉士莊子為載書

莊子士弱載書盟書

曰自今日既盟

之後鄭國而不唯晉命是聽而或有異志者有如

此盟

如違盟之罰

公子騑趨進曰天禍鄭國使介居二

大國之間

介猶間也

大國不加德音而亂以要之

謂以兵亂

之力強要鄭

使其鬼神不獲歆其禋祀其民人不獲享

其土利夫婦辛苦墊隘無所底告

墊隘猶委頓底至也

自今

日既盟之後鄭國而不唯有禮與彊可以庇民者

是從而敢有異志者亦如之

亦如此盟

荀偃曰改載書

子駟亦以所言載於策故欲改之

公孫舍之曰昭大神要言焉

要誓

神以告

若可改也大國亦可叛也知武子謂獻子曰

我實不德而要人以盟豈禮也哉非禮何以主盟

姑盟而退脩德息師而來終必獲鄭何必今日乃

盟而還

遂兩用載書

楚子伐鄭

與晉成故

子駟將及楚平子

孔子矯曰與大國盟口血未乾而背之可乎子駟

子展曰吾盟固云唯彊是從今楚師至晉不我救

則楚彊矣盟誓之言豈敢背之且要盟無質神弗

臨也

質主也

所臨唯信信者言之瑞也

瑞符也

善之主

也是故臨之

神臨也

明神不蠲要盟

蠲潔也

背之可也

乃及楚平

襄九年左氏傳

諸侯伐鄭鄭人懼乃行成同

盟于亳載書曰凡我同盟毋蘊年

蘊積年穀而不分災

毋壅

利

專山川之利

毋保姦

藏罪人

毋留慝

速去惡

救災患恤禍

亂同好惡獎王室

獎助也

或間茲命司慎司盟名山

名川

二司天神

羣臣羣祀

羣祀在祀典者

先王先公

先王諸侯之大祖宋

祖帝乙鄭祖厲王之
比也先公始封君

七姓十二國之祖

七姓晉魯
衛鄭曹滕

姬姓邾小邾曹姓宋子姓齊姜姓莒己姓
杞姒姓薛任姓實十三國言十二誤也

明神殛

之殛誅

俾失其民隊命亡氏踣其國家

襄十一年
左氏傳

宋華元克合晉楚之成晉士燮會楚公子罷許
偃盟于宋西門之外曰凡晉楚無相加戎好惡同

之同恤菑危備救凶患若有害楚則晉伐之在晉

楚亦如之交贄往來道路無壅

贄幣也

謀其不協而

討不庭

討背叛不來
在王庭者

有渝此盟明神殛之俾隊其

師無克胙國

成十二年左氏傳

崔杼弑齊君立景公而

相之慶封為左相盟國人於大宮

大宮大公廟

曰所不

與崔慶者晏子仰天歎曰嬰所不唯忠於君利社

稷者是與有如上帝乃敵

盟書云所不與崔慶者有如上帝讀書未終晏

子抄荅易其辭因自敵

晉師將盟衛侯于鄆澤

襄二十五年左氏傳

衛人請執牛耳

盟禮尊者涖牛耳主次盟者衛侯與晉大夫盟自以當涖牛耳故請

成何曰衛吾溫原也焉得視諸侯

言衛小可比晉縣不得從諸侯

禮定八年左氏傳

公會齊侯于夾谷孔丘相相會儀也將盟

齊人加於載書曰齊師出竟而不以兵車三百乘

從我者有如此盟

如此盟
詛之禍

孔丘使茲無還揖對

無還

魯大夫

曰而不反我汶陽之田吾以共命者亦如之

須齊歸汶陽田乃當共齊命於是孔子以公退賤者終其事要盟不絮故略不書

齊人來

歸鄆謹龜陰之田

定十年
左氏傳

哀公會吳于橐皋吳

子使大宰嚭請尋盟公不欲使子貢對曰盟所以

周信也

周固

故心以制之

制其義

玉帛以奉之

奉贊明神

言

以結之

結其信

明神以要之

要以禍福

寡君以為苟有盟

焉弗可改也已若猶可改日盟何益今吾子曰必

尋盟若可尋也亦可寒也

尋重也
寒歌也

乃不尋盟

哀十
二年

左氏
傳

哀公會齊侯盟于蒙武伯問於高柴曰諸

侯盟誰執牛耳

執牛耳
尸盟者

季羔曰鄫衍之役吳公子

姑曹

季羔高柴也
鄫衍在七年

發陽之役衛石魋

發陽鄆也在
十二年石魋

石曼姑
之子

武伯曰然則彘也

彘武伯名也鄫衍則大
國執發陽則小國執據

時執者無常故武伯自以為
可執

鄭伯將伐許授兵

於大宮

大宮鄭
祖廟

公孫閱與潁考叔爭車

公孫閱
鄭大夫潁

考叔挾輶以走

輶車轅也

子都拔棘以逐之

子都公孫闕棘戟也

及大逵弗及子都怒

逵道方九軌也

傳于許

傳于許城下

潁考

叔取鄭伯之旗螯弧以先登

螯旗名

子都自下射之

顛

顛隊而死

鄭伯使卒出穀行出犬難以詛射潁考叔

者

百人為卒二十五人為行行亦卒之行列疾射潁考叔者故令卒及行間皆詛之

君子

謂鄭莊公失政刑矣政以治民刑以正邪既無德

政又無威刑是以及邪

大臣不睦又不能用刑於邪人

邪而詛之

將何益矣

隱十一年左氏傳

季武子將作三軍盟諸僖

閔僖宮之門詛諸五父之衢

五父衢道名在魯國東南詛以禍福之言相要襄

十一年
左氏傳

成廟則饗之以羊門夾室皆用雞宗廟之器其名者成

則饗之以豕豚

雜記詳見饗廟篇

肆師以歲時序其祭祀及

其祈珥

序次第其先後大小故書祈為幾杜子春讀幾當為祈珥當為餌玄謂祈當為進機之機珥當

為餌機餌者饗禮之事雜記曰成廟則饗之雍人舉羊升屋自中中屋南面剝羊血流於前乃降門夾室皆用雞其餌皆於屋下割雞門當門夾室中室然則是機謂羊血也小子職曰掌珥于社稷祈于五祀是也亦謂其宮兆始成時也春秋僖十九年夏邾人執鄫子用之傳曰用之者何蓋叩其鼻以餌社也
春官

小

子掌珥于社稷祈于五祀

故書祀作禩鄭司農云禩讀為祀書亦或為祀珥社稷以牲

頭祭也玄謂珥讀為蚬祈或為剗剗蚬者釁禮之事也用毛牲曰剗羽牲曰蚬蚬剗社稷五祀謂始成其官兆時也春官肆師職祈或作畿秋官士師職曰凡剗珥則奉大牲此剗蚬正字與

釁邦器及軍器

邦器謂禮樂之器及祭器之屬雜記曰凡宗廟之器其名者成則釁之以豶豚

圉師春除蓐

釁廐

蓐馬茲也馬既出而除之新釁焉神之也

始立學者既興器用

幣

興當為釁字之悞也禮樂之器成則釁之又用幣告先聖先師以器成

天府

上春釁寶鎮及寶器

上春孟春也釁謂殺牲以血血之鄭司農云釁讀為徽或曰釁鼓之

釁

龜人上春釁龜

釁者殺牲以血之神之也玄謂上春者夏正建寅之月月令孟冬云

釁祠龜策相互矣秦以十月建亥為歲首則月令秦世之書亦或欲以歲首釁龜耳並春官

孟冬

命大史釁龜筮占兆審卦吉凶

筮著也占兆龜之繇文也周禮龜人上春釁龜

謂建寅之月也秦以其歲首使大史釁龜筮與周禮異矣卦吉凶謂易也審省錄之而不釁筮筮短賤於兆也

今月令曰釁祠祠衍字月令

大司馬若大師帥執事涖釁主及軍

器

大師王出征伐也涖臨也主謂遷廟之主及社主在軍者也軍器鼓鐸之屬凡師既受甲迎主于廟及社

主祝奉以從殺牲以血塗主及軍器皆神之夏官

君以軍行故社釁鼓

師出先有

事後禱於社謂之宜社於是殺牲以血塗鼓聲為釁鼓

祝奉以從

奉社主也四年左氏傳

定

小祝大師掌釁祈號祝

鄭司農云釁謂釁鼓也春秋傳曰君以軍行祓社釁鼓祝

奉以從
春官

司約若有訟者則珥而辟藏

鄭司農云謂有爭訟罪罰刑書

謬誤不正者為之開藏取本刑書以正之當開時先祭之玄謂訟訟約若宋仲幾薛宰者也辟藏開府視約書

珥讀為珥謂殺雞取血釁其戶

秋官

羊人凡祈珥釁積共其羊牲

共猶

給也夏官

士師凡釁珥則奉大牲

珥讀為珥釁禮之事用牲毛者曰釁

羽者曰珥

犬人凡幾珥用駢可也

鄭司農云駢謂不純色也玄謂幾讀為釁珥當

為釁釁者釁禮之事並秋官

雞人凡釁共其雞牲

釁釁廟之屬釁廟以羊門夾室

皆用雞春官

右釁 齊宣王坐於堂上有牽牛而過堂下者王

見之曰牛何之對曰將以釁鐘王曰舍之吾不忍其觶觶若無罪而就死地對曰然則廢釁鐘與曰

何可廢也以羊易之

釁鐘新鑄鐘成而殺牲取血以塗其釁却也觶觶恐懼貌

子

孟

邾人執鄆子用之用之者叩其鼻以衄社

也

衄者釁也取鼻血以釁祭社器

僖十九年穀梁傳

禮書綱目卷四十五